

萬載縣土著志卷十一

風俗

邑介袁筠山中見聞少而規模狹然習尚所趨重廉恥寶儉勤嚴閨誡士夫力學問不輕至公庭有古風焉近仕達商通漸開浮競毀方爲圓易靜而動真意亦少衰矣返淳歸厚固鄉先生之責亦良有司所宜畱意也婦女漸喜游觀各鄉唱采茶謠詞祀猖神病者及小兒上鎖妖巫靚裝鳴角跳舞達旦舉室若狂皆近來惡習首當禁革者撰風俗志

士習黃庭堅道院賦序云士夫秀而文阮閱無訟堂記云士力學而知廉恥張栻記云士人好恬靜勵廉隅終歲不至長吏



之庭遺韻流風歷久弗替近更揣摩風尚詩學字學其道並  
進蓋

雅化旁流涵濡日久非獨山高水清之故也向時儲材擢秀城坊  
居多今鄉落人文亦漸蔚起故科名較盛

民風舊志云崇樸素勤稼穡市鮮游俠鄉無惰民頗稱風俗之  
美又沐

聖朝重熙累洽良有司董勸有方野安耕鑿戶樂輸將誠虞集所  
謂性多愿確易與爲善者也

農事燈節後香楮花爆擇吉犁田名起春工平行之田兩次犁  
耙高燥者三之穀有占糯二種占又有早晚二種占兩穫糯

宜下濕止一穫故糯少收穫後播種芸薑萊菔等菜爲來春  
糞田用或取子榨油若諸豆雜糧多種於山或旱田難蒔晚  
禾亦種雜糧耕人田者曰佃授田人耕者曰東按田定租按  
租定穩租錢田價日昂租與錢稍增亦有祖父百餘年授耕  
之田未升租與錢者計田以把或以種蓋指蒔秧及浸種之  
多少言也大約二十五把爲一畝一畝爲種七升半

女工專以縫紉績麻爲事姑率媳母攜女篝燈合作每至宵分  
間繅野繭紡木綿勞則善心生故閨閣清嚴內外整肅不覲  
容面卽至戚來往亦有不出門不踰闕之意近此風漸衰然  
士夫家猶斤斤有禮法

萬載縣志卷十一  
工役公私興作皆取民間之匠役之而償其值萬邑僻在山谷百工不皆全而日用所資亦無缺木石鐵錫皮漆銀銅泥瓦陶箴及設色之工并剃頭皆謂之匠外有受人雇值供耕作及薪水春爨諸役任一年事者曰長工一月日月工一日曰零工往時士夫家多購僕隸并爲之婚娶長子孫世服其役今則此風漸少供書館役者謂之火頭

商賈舊志云地居上游溪流濶窄陂灘鱗次巨艦不得入所懋遷者惟二一小販近日街市喧填貨物湊集又擁貨走數千里外江浙川廣往返尤多其土產之利則以夏布茶油表心紙爲最重然諾通有無闐闐中亦有士君子之行者

飲食糯米釀爲水酒清明及冬至釀者尤勝醇釀者不亞紹興燒酒用占穀釀味特惡茶用大葉皆崇鄉及宜春產崇鄉香味較佳價亦倍之比乃競尙武彝僅得下品慕虛名耳燕窩舊率從簡遇慶事姻黨畢集近日用海菜而舊姻盡疏矣

衣服舊志云士夫子弟衣冠樸素惟二三游民色服華舄作游冶態甚至胥吏與皂之類相慕成風幾於等威無辨其弊今未盡革而士大夫家因分致飾不華靡亦不寒陋庶幾文質中度焉

冠婚冠禮久不行而婚禮則重憑親串作媒論閭閻通生庚卜吉取婿鞋樣至女子十歲之期以釵串金幣行聘互致庚書

謂之接親合婚在十歲外則隨時行聘娶前二日請媒宴男  
賓次日具綵輿迎娶導以鼓吹厥明壻親迎婦家宴之謂之  
陪姐夫新婦至豫請女賓之齊眉多福者扶婦出輿謂之接  
轎是日宴女賓有送親者盛筵以款謂之陪上親送親俱用  
男新婦入房後多福者復扶婦上堂同夫拜父母舅姑及諸  
長輩謂之拜茶饗婦設筵於廳扶婦當棟坐謂之坐棟晚宴  
男賓燃花燭於堂賓前致詞曰讚燭移燭入房拇戰歡飲新  
婦捧茶肅客乃罷謂之打新房舊志謂婚恥索聘此風猶存  
至奩具則糜費已甚始而富家稍炫其粧繼而迭出求勝漸  
至貧窶效尤典賣以從此則侈靡之宜變者也又有童養媳  
聘金奩具皆省而爲之姑者或遂輕視之虐使之可慨也

喪禮始沒慎衣衾擇吉而殮擗踊哭泣日夜守柩旁三時上食  
金鼓羅拜將葬訃親友開堂設奠主人裂白布酬賓酒席尙  
豐腆亦不儉其親之意也士夫家少延僧道餘則競尙齋醮  
聲容旣頽歌舞懺悔亦涉誣親積習成風曾莫之怪至舊志  
稱惑溺風水久停不葬近則奠畢引發隨時安厝有異前所  
云者

祭禮各族建大祠近日支祠愈多歲時會聚統於所尊清明節  
子姓衣冠集祠相率祭墓而冬至之祭尤重前期三日張燈  
陳器用鼓吹滌蕩之祭之前日豫習其儀日習儀於五鼓行

祀禮曰正祭主以族之宦達或族長其升降獻酬之節率以朱子家禮爲準祭畢布席而餞蓋尊祖敬宗收族之誼胥於是乎在

祈禳鬼神之說自古有之而信巫者遇病輒延驅祟有說和追魂禳星拜家書諸名色惟跳神爲最惡而鄉村競尙之又或生辰建醮冀以楮錢豫貯冥庫曰做豫修皆可晒怪者

賽會縣城隍廟新正演戲十日至四月十八神誕先期月餘梨園紛集士民酬愿無虛日城坊各廟俱賽戲飲宴四月終乃罷其次莫如楮樹潭八九月間歌舞賽神卽以通商餘如高城盧家洲率以五月周陂橋白水率以八月牟村潭埠則五月八月兼之又大畚口墟市亦在八月其或修建功竣必募貲戲醮名爲萬人緣此則不拘月數者也又有所謂陽戲心愿者提挈傀儡始爲神繼爲優各家有愿演之若夫按月節序如元旦之拜年元宵之張燈花朝之踏青清明之掛紙端午之競龍舟中元之焚楮錢賞月以中秋登高以重九祭竈於小年守歲於除夕率與隣邑無甚異

萬載縣土著志卷十二

土產

穀之屬

六十日占

一名蟬鳴稻  
一名救公饑

八十日占

俗呼大暑早

雷公占

抽和速而熟  
最旱故名

百日秬

俗呼顛州早

湖雞早

農政全書謂  
之勝氣蓮

鹿見愁

俗名鬚占山  
田宜種此

鐵梗占

性耐寒

紅米占

春煮之作桃花色香  
柔而甘晚稻上品

程禾穀

有紅白二種嘉慶初來自閩廣早禾耘畢就行間蒔  
之刈去早禾乃糞而鋤理焉性耐旱近日藝者特多

香稻

赤芒白粒宜隰出  
禮山藍田收最薄

二禾穀

卽再熟稻白風大暑蒔  
霜降收早者名三夜齊

山禾

一名早稻粒大而香耐  
旱土人於畚地種之

秋風糯

俗名早糯粒圓白稈  
黃大暑可刈不宜釀

粳糯 俗呼黑節糯早遲二種稱白粒大尤軟美

童子糯 即矮糯粒長宜釀出

鄱陽糯 即小娘糯不耐風濕四月種八月熟

蕎麥 莠也

蘆粟 即高粱

白梁 芭也

黃梁 粳也

狗尾粟 形如狗尾歲再熟

鴨脚粟 穗如鴨掌可釀酒

占粟 一名小米粒壯不黏

糯粟 一名糯秫粒細而黏

苞粟 即玉米

黃豆 一名高脚黃有大小二種

黑豆 有早晚二種

綠豆 歲可再種

芒花豆 大暑後種

白豆 俗名飯豆有早晚二種

田背豆 苗延田墜穀雨種秋分收

茶殼豆 殼如茶色粒大而圓

八月爆 清明種白露收故名

禾兜豆 山田不能蔭二禾就禾兜下種之

蠶豆

附

芝麻 有黃白黑三種土人偶於畚地種之

泉之屬

苧 一歲三刈出白芽冲者良

火麻

蔬之屬

芥 有紫白二種

菘 肥大者名牛肚菘

芸薹 俗呼油菜詳風俗

碧蓮

芹 有水旱兩種

莧 有赤白二種冬生者名冬莧菜形味各別又有馬齒莧

茄 有青紫  
白三種

菱笋 出湖仙塘者良亦  
最早四月即可食

菠菜

蘿蔔 產多江者  
尤肥脆  
蕪菜 有川蕪藤蕪  
子蕪三種

同蒿

高竇 一名高莖有  
紫白二種

芋 旱芋山地種之  
水芋水田蒔之

薯蕷 有紅白  
二種

甘藷 一名番藷乾隆初來自閩廣土人種以代飯  
或切如米粒曝乾謂之藷糗春粉作雜食佳

百合 出大嶺  
埔者良

蕨

薑 新芽曰子薑  
復種曰母薑

秦椒 俗呼辣椒一種結  
實向上名向天椒

葱 有小葱大葱  
四季葱三種

大蒜

韭

薤

蔬之屬

冬瓜 作東者誤寇宗奭  
本草衍義嘗辨之

西瓜

南瓜 一名  
番瓜

稍瓜 一名地黃瓜

絲瓜 一名線瓜

芳瓜 卽王瓜

苦瓜

壺盧 長者名瓠圓者名葫盧皆  
可食老而堅者可備器用

果之屬

梅

桃 有早禾播官  
遲禾數種

李 與麥同熟俗稱麥  
李出湖上尤夥

梨 三區產者  
甘脆無滓

棗 有米棗酸棗二種俱劣甚

栗 有大栗旋栗  
茅栗三種

橘 較洞庭所  
產特小

柑 別一種名四  
季柑尤香烈



香橙

柚條也

櫻桃

山查 較北種具體而微止堪入藥

楊梅 有紅白紫三種

石榴

木瓜

葡萄

金橘 近三十年始有

藕 出九仙塘荷塘者勝

甘蔗 產大畚地者良

落花生 出湖源地者良

木之屬

松 各鄉成林歲取為薪

柏

樟

豫 一名烏樟

桑

杉 有赤白二種蔣宜山窠深處出三六區者尤修偉

椿 婦女以鹽漬曝乾備茶湯

梧桐 土人多於齋館種之

油桐 三月開花實如核桃七月八月榨油所產不多

楮 實小圓珠實大苦珠

梓 似桐葉小花紫

楓

荆 對節生葉荒坂洲渚皆有之

女貞 俗呼蠟樹

皂 一名皂莢

楸欄 俗名

槐

黃楊 土人多植於磁盆為齋館玩

櫟 梓類土人取燒為炭亦有磨粉作腐者

漆

柯 別一種名邊楓柯同本共枝惟葉雨樣

穀桑 皮可作紙汁可代膠

山茶 遍植山谷高者一二丈十月開花隔年九月採核榨油謂之清油寒露摘者為珍珠子霜降摘者為樟州子

柳 城鄉柳多楊少然皆植之為玩不以製器

烏柏 十月採子榨取白油為蠟燭謂之木油

柞 一名鑿木

檜

竹之屬

貓竹 一名茅竹大可編屋嫩

筍美根多土人多剖

苦竹 夏生筍味苦

篁竹 堅而促節體圓皮白

慈竹 深秋生筍隔年成竹高數丈

紫竹 筍味苦幹小色紫

方竹 四面平整如削

斑竹 筍味美幹有黑

箭竹 高不過丈節疎

筋竹 長二丈許圍數寸至堅

義竹 筍叢生節間二三尺

煙竹 四月生筍味佳

實竹 外強中堅可為筆管

箬竹 莖小如指葉大如履作

白竹 可為簞

黃柑竹 色黃竿小節密

鳳尾竹 低叢細葉可供清玩

篔簹竹 亦名笙竹竹瀝

觀音竹 幹似笙竹節中有赤

茨竹 大如指長逾二丈節節生枝以植宅旁代

花之屬

梅花

臘梅

牡丹

芍藥

瑞香 高者三四尺許

辛夷 有紅白二種

海棠 有春秋及四季各種

玫瑰花

桃花 別一種深色重臺名絳

山丹 一葉百蕊狀如繡毳

木槿

杜鵑 一名映山紅有紅黃白三種

葵 又名子午蓮別  
有一種名秋葵

七姊妹 一枝數朵相  
簇各色不同

荷花 有紅白各色重  
臺並頭各種

月月紅 卽月  
季花

石榴花

剪秋羅

金錢花 色紫而圓  
落必於夜

玉簪花

繡毬花

梔子花

蕙

桂花 有黃白紅三色四  
季花者名月桂

山蘭 生石馬槽頭東坑人跡罕到處有淺碧深紅  
紫黑白各種藍色尤難得土人移蒔多萎

建蘭 來自閩嶺一歲兩  
花素心者尤貴

珍珠蘭 一名魚  
子蘭

芙蓉花 一名木芙蓉有  
紅黃白諸色

護草花

菊花 種類  
甚多

茶花 俗呼洋茶種類  
不一城中最盛

雞冠花 有黃白紫數種鴛  
鴦壽星掃帚等名

紫荊花

老少年 一名鴈  
來紅

棠棣花

鳳仙花 一名金鳳紅白二種  
兼數色者名十樣錦

紫薇花 有朱紫  
二種

海欖花 色黃  
叢生

蕉蘭 一名美  
人蕉

草之屬

龍鬚草 一名縉雲  
草可爲蓆

鳳尾蕉 木本有合數  
圍高丈餘者

菖蒲

艾

芭蕉

虎耳草

菸草 春種秋取梢頭數葉尤  
佳名蓋露俗謂之頭菸 藜 宜爲帚  
實最繁

茅 叢生有黃白二種葉長  
三四尺土人刈以覆屋 藍 有大藍小藍槐藍三種  
皆可作靛所產不多

蒲

苔

有地苔石苔樹苔水苔屋苔五種

萍一名漂

吉祥草

似蘭而疎秀不常開花  
花開則家有吉慶事

藥之屬

茯苓

赤芍

五加皮五葉者少

寄生各樹有之

金銀花

桑白皮

白芨

香薷

枸杞

何首烏

香木瓜

金櫻子土人多取熬膏

蛇床子

瓜蒌

薄荷

紫蘇

益母草

骨碎補俗名上樹薑以楓樹者佳

貫衆

車前草

石菖蒲

土人參形似遠參而力薄土人間於家園種之

毛之屬

牛

羊土人所畜皆山羊

豕

犬

貓

兔人家間畜之山中特少

麋山深處間有之

獺有水獺山獺二種

麇

獾似狗而髮皮可為裘俗呼獾狗也

虎狸

斑如狸豹方口銳頭食果實俗呼果子狸

野貓

大小似狐斑如貓善竊雞鴨

鼠

黃鼠

似犬而足短毛可爲筆

羽之屬

雞

肥

闔者

番鴨

雞冠鴨身特肥大

鴨

牧者千百成羣害稼各鄉有禁

鶩

有蒼白二色土人納采者以一雙代雁

雉

一種頭有二毛長三四寸如角俗呼角雞

鳧

俗呼

燕

鴿

慈烏

俗呼老鴉黑色

鴉

似慈烏而大

鵲

俗呼

喜鵲

鷺鷥

鷓鴣

雀

有瓦雀寶雀黃雀各種黃雀善出竹山洞者尤健

鴿

鷓鴣

沙潭人音之

鳩

一名布穀小者名斑鳩

畫眉

似鶯而小黃黑色其眉如畫善鳴能鬪

山和尚

類山喜鵲午日翦舌能人語

白頭翁

形似鵲頭自身灰黑

鶯

竹雞

禾雞

藏禾叢中似雞而小啼聲悲切

翡翠

鵲

尖尾長喙青灰色共母者飛鳴不離

桐花鳥

大如指具五色有冠似鳳來去視桐花開落

啄木鳥

俗呼啄木官

鴟鵂

俗呼春雞

鵪鶉

俗呼佛友又名八哥午日翦舌能學語

鱗之屬

萬載地居上游水淺灘多產魚殊少惟鯉鯽生子其鮓鱧鱮之類皆出九江每歲三月土人至彼貨其水謂之挑魚苗轉售城鄉池塘養之惟株樹市魚肥而價廉

鯉 所在池澤有之土人早禾耘畢取魚苗置田中刈時取供農工長可三四寸

鯽 俗呼黃鯽

鮪 似鯽而短俗呼泥鯽 鰻 一名白鰻

金魚 俗呼紅魚好事者畜之於奇射利多者至十餘缸色不一以凸睛短體大尾為上有三尾五尾或至七尾者其名則堆金砌玉落花流水

隔斷紅塵各自標榜之

介之屬

鼈 俗呼脚魚 蝦 一名沙虹 蝦多歲荒

田螺 種類大小不一 蚌 蛤 形長曰蚌 圓曰蛤

穿山甲

蟲之屬

蠶 城中婦女間育之使自經緯為奩具鮮練絲者 蜻蜒 俗呼江雞

蜂 蟋蟀

竈馬 俗呼竈雞 蛺蝶 一名蝴蝶形色大小不一

蟬 馬陸 俗呼百脚

螢 俗名螢火蟲 壁錢 似蜘蛛而小色斑壁上作幕如錢

螳螂 蜘蛛

蝦蟆 俗名土蛤一種背痲磊者名癩蝦蟆

水蛭 俗呼馬蟻 螻蛄 俗呼土狗

蝸牛 蚱蜢

蝙蝠 俗名挑簷老鼠出竹山山洞雲峯洞者大如蒲扇蛇 種種不一大者長七八尺名烏梢短小者尤毒

金石之屬

鐵 出黃茅鐵山界 舊有冶場今廢

泐子 出湖溪皂山踏村 養器資以光澤

麻石 俗呼蘇石出吹藜丁 田色白質麤無紋理

白石 出金鍾湖湯周山大小皆 六稜光似水晶而差暗

青石 出金鍾湖青質黑理可為屏又一種出東阮色青黑 有黃斑細潤而堅土人琢以嵌桌棧佳者中硯材

煤 俗呼煤炭各區皆產 堅黑而光極有火力

貨之屬

夏布 績苧織成俗呼扁紗多濶幅惟楸樹潭周陂橋出者勝 狹幅圓紗尤貴此貨通行四方商賈輻輳二三月為買

春庄七八 月為秋庄

菜油 採雲臺子榨之各 鄉皆產白水尤多

葛布 粗細不一出 十八渡者佳

桐油 採桐核榨之各鄉 皆出特不多耳

茶油 摘茶樹核榨之出二三 四區商賈皆聚楸樹潭 爆竹 全紅琢鞭尤佳南 北通行商賈絡繹

表心紙 以石灰水漬竹黃釀膠而成四五區皆出有 大小別之分光淨者貴商賈皆聚大橋盧家洲

皮紙 搗穀楸樹皮 為之出皂山 火紙 以竹黃之麤者雜稻 根為之出謝陂者佳

花箋紙 出高村高槽等處嫩 薄光淨勝表心紙 靛 以藍葉漬和石灰澄 漚 漚而成各鄉皆出

油扇 各鄉俱出大橋尤夥質 麤價廉近亦轉販他省 養器 出自水源頭冲章源青背 阮質麤泐燥漸亦行遠

酒藥 以草藥合早穀春粉成丸有燒 酒水酒二種出三區販賣本省

高車縣志卷十二 土產

萬載縣志卷十三

兵衛

漢時縣有更卒民皆兵也厥後或言郡國兵或言州郡兵不及縣統所屬耳晉去州郡兵大郡置武吏百人小郡五十人縣侯亦置軍設吏而軍制無從稽南齊時軍主李雙蔡保毛寄生幢主龐嗣皆曾用兵康樂兵不必出於縣唐置府兵洪筠不與可考惟南昌軍楊吳邑始隸袁惟傳袁州統軍前鋒等職究於縣非專屬故宋以前槩從略

宋有常從兵屬知縣弓手騎射屬高村巡檢司捕兵屬右尉名數無可考 民兵卽鄉兵若槍杖手忠義社召募土兵行保



伍法兵略可意推

按宋時州設武雄營乃禁旅自京就糧本州者也萬地非衝要不駐此兵又設効勇牢城壯城等營所謂本州鎮兵屯戍要害給漕輓營繕諸役亦不專屬縣縣所屬惟役兵民兵太祖平江南合縣設常從兵不得擅有增益元豐三年郡守廖子孟奏置高村巡檢司領兵防盜賊此與常從並爲役兵文獻通考載江西槍杖手萬亦應有紹興中沈調言諸縣舊有忠義社隨鄉屯結推豪右衆畏服者爲長而靖康時邑人鄧玉已集衆屯堡作寨非此社乎獲村亦立鎮置驛募兵防守則葉適所云土兵爲鄉控隄是已其後范如璋知縣事行保伍法凡皆民兵也舊志缺略補之

元中千戶所達嚕噶齊一員 千戶一員 副千戶一員 總

把百戶一員 百戶若干員 彈壓二員 戍軍若干名

義兵千戶所千戶一員 彈壓一員 百戶十員 義兵若干

名

按元制管軍七千之上爲上萬戶府五千之上爲中三千之上爲下千戶以七百爲殺亦分三等袁州路立萬戶府以萬載爲中千戶所則所管僅五百以上也然自近戍遠其戍縣者皆客軍所謂江淮以南列郡以漢軍及新附等軍戍焉是已千戶佩金符百戶銀符皆世其官軍籍一定

萬壽縣志卷十三  
不可更易皆坐食租稅不預守令之事至正間增置義兵  
千戶於江西凡禦寇立功輒以劄授千戶諸軍職義兵卽  
民兵也員額依史載名糧闕焉

明袁州衛軍

初制本以衛民  
故並列於此

正千戶一員 副千戶一員 百戶十員 額軍計總旗二

十人 小旗二十人 屯軍四百八十八名

永樂二年泰字  
四十六號勘合

撥

操守旗軍若干名 運糧旗軍若干名

按太祖辛丑歐黃內附招降諸山寨立千戶十二丙午置

袁州衛命歐顯爲僉事千戶威隸焉洪武三年以舊隸軍

分戍間建指揮王仍馬英籍餘丁義屬者得壯勇二千以

聞四年設千百戶統之併舊軍爲左右中千戶所七年增

設前後二所永樂二年合各衛所凡軍百名以上委百戶

一員三百名以上千戶一員五百名以上指揮一員提督

其始三分守城七分屯種成化後定爲二分操守八分屯

運萬載始撥屯軍五百員名屯田止四百八十八分則軍

官十二不授田也今考指揮設於袁衛不專屬萬而千戶

百戶恰符十二員之數惟操守等軍額數無徵故詳略異

焉

團練民兵知縣領之團首二十四名

每名工食  
捌兩玖錢

民兵若干名

機兵知縣領之防守操練兵快皆是也一曰精兵原額無徵屢

議裁汰僅存一百十六名據舊志每名工食伍兩貳錢推得此數內吹手九名

分守東關西關大南關大北關各七名小南關小北關各五

名仁和哨即鳥溪哨龍河哨各六名前哨五名後哨七名每哨一

名為總吹手司更後哨巡夜前哨司門共計七十一名為守城哨兵餘兵四

十五名分防雞籠山營及各要隘共工食陸百參兩貳錢後裁存八十

一名

府縣應捕兵亦機兵屬也舊田賦志僅載工食玖拾叁兩陸錢未詳府

縣分屬及額設名數今姑從闕

民壯知縣領之原額無考至崇禎時尙存五十名每名工食柒兩貳錢

弓兵高村巡檢司所領洪武十二年全裁鐵山界巡檢所領原

額無徵遞裁存二十三名每名工食叁兩陸錢崇禎時又裁五名

按洪武初設民兵萬戶府簡民間武勇編伍操練無事仍

還為民有功一體升賞自衛制設而民兵府裁遂隸於州

縣考田賦四差內有團練民兵一欸據王推官兵議為兵

三百十八名分防郡縣及兩隘乃防萬之兵僅二十四殆

舉各都團首有定額者耳機兵弓兵捕兵皆民兵也始皆

計戶編僉其召募惟民壯至四差徵銀則均由召募矣江

西各縣機兵多者七八百少或三四百嘉靖中十擇其二

練之謂之精兵舊志守城精兵是也其餘以半歸農徵銀

解部所謂起運充餉是也以半歸縣差遣謂之常兵若今

快手馬快諸役是也。疊經裁省，十存二三。古者縣設尉，右尉典武事，捕兵隸之。明代縣不置尉，領於知縣。遞減至十餘名，謂之捕役弓兵。卽宋時弓手隸巡檢司者，自三百人至百人不等。洪武初，縣有二司所領，約皆不減百人。乃高村司既裁，而鐵山司祇存兵十八，蓋亦十不餘一矣。民壯，宋土軍類。正統十四年，令各縣招募，率領操練。遇警調發，給以行糧。天順元年，鞍馬器械並令官給。宏治初，立僉民壯。法州縣大小名數有差，然供縣驅役與傭皂伍，大失初意。夫縣令不預軍事，所恃以固疆圉，除姦慝，備非常者，惟此民兵而已。中葉以後，言利者裁額以省餉，復編糧以病民。始也資民之力以自衛，繼乃撤民之衛而重責其利，宜夫民不支而兵日弱也已。

袁州府精兵

統兵把總一員，防守黎源哨。

萬歷間設

守城兵二十六名，內隊

長一名。

額編餉銀玖兩，後改歸縣給。每年捌兩陸錢肆分計扣存叁錢陸分。

民兵二十五名。

額編

餉銀每名捌兩玖錢，後歸縣給。每名捌兩陸錢肆分計每名扣存貳錢陸分。

崇禎六年議撥出十

三名，以足黎源哨額。止存十三名，隊長在內。

黎源哨防守兵七十四名。

額編餉每名捌兩共叁百玖拾貳兩

外隊長一名，哨

官兼之不另編餉項。

以上守城兵十三名，共給銀壹百壹拾貳兩叁錢貳分。共扣存叁兩肆錢捌分。黎源哨兵七十四名，共給伍百玖拾貳兩

遇開每名加陸錢陸分陸釐陸毫 外哨官心紅紙狗哨馬  
草料米兩 新設棚稅伍拾伍兩肆錢 扣存宜風公館祇  
應貳拾壹兩 裁汰常兵七名該叁拾陸兩肆錢 通共銀  
捌百貳拾柒兩陸錢除徑給黎源哨柒百伍拾貳兩玖錢陸  
分外該解府支給柒  
拾肆兩陸錢肆分

按萬載營哨自萬曆五年李楊亂後巡撫潘季馴議立屬  
南兵道節制兵由四縣分撥每年更番出戍歲久兵多曠  
伍餉徒虛糜崇禎六年楚寇震鄰撫院撥省兵防縣極道  
府議兵知縣韋明傑請以萬載兵守萬載不復撥兵三縣  
亦不復出戍銅鼓慈化等處改屬湖西道節制

### 國朝袁州協營

防萬把總一員駐黎源哨兼隊長 歲給銀拾捌 兵丁八十

一名內塘報兵二名 共給銀拾 藍旗二名 共給銀拾柒

什長兼教師八名 共給柒 散兵六十九名 原額七十二名 共銀陸百貳拾

貳兩捌錢後裁三名實共 伍百玖拾陸兩捌錢伍分

按此順治初制雍正六年奉檄回郡派防宜春以原調銅  
鼓石營守備領弁兵駐防萬載

### 南昌銅鼓石營

駐萬守備壹員 歲支俸拾捌兩柒錢陸釐薪銀肆拾捌兩心  
紅紙張拾貳兩蔬菜燭炭拾貳兩馬四匹每

匹乾銀拾 把總壹員 歲支俸拾貳兩肆錢柒分壹釐捌毫  
肆兩肆錢 肆忽薪銀貳拾叁兩伍錢貳分捌釐

壹毫陸絲馬二匹 分防外委把總壹員 卽歸馬戰數內月  
每匹折乾如守備 支銀肆兩柒錢米

陸

額設馬戰兵拾貳名

每名月支銀貳兩米叁斗戰馬拾貳匹每月支壹兩貳錢

步戰

兵貳拾肆名

每名月支銀壹兩伍錢米叁斗

守兵捌拾肆名

每名月支銀壹兩米叁斗

凡共兵丁一百貳拾名內書識伍名弓箭兵丁柒拾伍名鳥

鎗兵丁叁拾陸名藤牌兵丁肆名除分防塘汛叁拾名備弁

養廉拾肆名公費肆名書識伍名實在存城操防陸拾柒名

乾隆三十四年撫院吳紹詩移守備駐南昌祇畱

防萬把總壹員

分防黎源哨外委壹員

養廉馬兵糧壹名

馬戰兵

肆名

戰馬肆匹

步戰兵拾貳名

守兵叁拾陸名

以上月支俱照前

凡裁存兵丁共伍拾叁名嘉慶二十二年奉裁壹名實存伍

拾貳名內書識壹名弓箭兵貳拾柒名鳥鎗兵貳拾肆名

營汛

宋元以前無攷明衛弁領軍防萬亦無蹟可稽載其存於舊編者

明黎源哨在縣北一百二十里萬歷五年巡撫潘立用窩寇翁

國召屋基為哨場加買民人易利節房屋一所構造營廳如

式年久傾頽崇禎四年知縣韋明傑請以黎源田山租銀改

建扁曰振旅堂親詣本哨查點兵丁今廢

雞籠山營房在縣東南五里地通上高宜春山高徑窄最易藏

奸萬歷時知縣陶大邦設兵防守以山下荒土開墾充餉後

撤回守城土仍荒弃崇禎四年議移烏溪哨外依民為寨事

寢不行

國朝櫛樹潭游擊都司營署因防勦棚寇康熙十六年二月建後  
撤

防萬游擊千總康熙初均寄居民舍六年千總李虎因城隍廟  
旁餘地創建關王廟前後三進遂定居焉今爲城守營把總  
署

守備署在治西明德坊故明布政分司廨雍正五年知縣程元  
度就廢址建乾隆三十四年員撤署基爲今考棚

城守把總署卽李千總所建廟袁營署原在廟前雍正三年調  
撥銅鼓石把總駐縣舊署久廢惟餘空場亦就廟內僑居乾  
隆二十六年把總許游改廟作署今右牆磚石猶存關王廟  
圍牆基址字樣嘉慶二十四年把總鄒天錫倡邑紳捐貲重  
修

城內營房四所雍正五年知縣程建學基內一百三十四間靜  
安寺四間明豫備倉故址三十六間縣治後十二間乾隆十  
二年知縣嚴在昌移學基營房於花園

卽豫備倉址

橫列四排爲

房百間今各處俱廢惟花園後排獨存

黎源外委營署卽明把總之舊雍正三年改撥銅鼓外委帶兵  
防守五年知縣程爲建署并營房四十間後並朽壞外委迄  
今僑居花園營房

萬壽縣志 卷十三  
縣營見統早塘四卡一

黎源塘營房三間設煙墩瞭樓礮臺旂杆牌樓柵欄如制外  
委一員原帶兵二十名防守乾隆三十二年裁兵二名

嚴田塘縣北一百里營房四間防兵三名

楸樹潭塘營房三間防兵四名

演武亭塘縣西北八十里營房三間原防兵二名乾隆三十  
二年增撥一名

三峯嶺卡縣北五十里謝陂營房三間乾隆三十二年撥兵  
五名防守 以上塘卡設墩臺等俱如制

演武廳卽舊教場在大南門外二里明宏治間知縣張文建橫

直各百丈亭三間正德末知縣張邦穀重建更今名崇禎二

年知縣李世瑀修兵燬 國朝乾隆三十二年知縣翟廷法

重建

軍裝 現存縣汛

佛狼機四門城樓各壹位 腰刀伍拾壹件 弓箭撒袋貳拾

柒副 烏鎗火龍袋貳拾肆副 旗幟盔甲衣裝等件俱存

銅鼓石營

軍屯 附

原額免徵官民田地一百四十八頃十七畝一分洪武二十四  
年後死絕拋荒永樂二年奉泰字四十六號勘合撥袁州衛



軍五百員名屯種 一縣東十里懷舊鄉待賢下里大樂岡

一縣東北五十里歐桂東鄉康樂里游家嶺 一縣北六

十里歐桂東鄉蓮亭里陪下 一縣北六十里歐桂東鄉高

村里高村 一縣西五十里萬載鄉新賢里和尚橋

以上五處計官田二十九頃二十六畝五分 民田一百二

頃十三畝二分 官地一頃八十二畝 民地十四頃九十

五畝三分 以上俱舊志

官租 附

原額黎源田八頃四十二畝四分六釐零舊額米四百六十七

石 照韋志按語

一收彭振生米六十石四斗二升五合六勺 一收劉一麟十

石三斗一升四合六勺 一收彭柏六米十七石九斗六升

七合五勺 一收鄧茂春十四石一斗一升九合六勺 一

收彭簪古十二石一斗三升七合二勺 一收彭盛九八石

三斗

原額山租銀八十四兩一錢八分零

一暗洞山租 原額六十兩後減收銀十八兩 一大凹大租

一芭蕉窩山租 一上白水山租

一芋仔窩山租 以上山租韋志載册存兵房

黎源洞原有坐落屯田七十二戶軍餘不便管業多招流民佃

種因而劫財為患議令哨官就近管束後法久弊生田產盡歸豪右本督發糧遂為奸人躲糧之藪崇禎六年知縣韋明傑請將詭戶逐名詳查發回原籍弔取本督原額米一千二百五十八石三斗零實該糧銀七百餘兩撥兵兌銷如有藉口荒蕪不肯兌銷即開申上司著各兵開墾

舊志

按韋志原按黎源官田多至八百四十二畝而官租舊額止四百六十七石固已為奸民奪業近該黎源哨開報又止二百七十八石五斗云云乃其前列田數置舊額開報俱不載祇云計米一百四十石八斗零而已而所云計米者合之收數又實止一百二十三石有零非額非收果何計耶今刪去此句補以舊額庶醒眉目又云如暗山洞租本六十兩後減為一十八兩為客民黃顯宇久據崇禎六年該哨清查報縣反被顯宇告府遙斷減作七兩統計山租原額八十四兩一錢八分零被減之又減止一十五兩據此則山租一項有原額有減額有再減額自宜一一詳列今皆不然止載一某處山租數字而已後人何憑徵考乎故依按語補入不知者闕焉

衛制

明初置衛分軍立屯衛地方非以勤轉漕成化間以昇平日久屯軍操軍坐食籽粒久將自廢因改所官為運弁編軍丁為

運丁長運抵通一變民運抵淮之制其始原以八分駕淺爲  
運糧旗軍以二分爲操守旗軍至後逃亡日多乃有屯運而  
無操守衛千戶百戶均爲世職五年會考仍由部推

國朝設衛旗丁仍舊裁革世職統以守備領以千總每船編軍十  
一名運軍水手各有行月二糧造船有料價修驗有官錢康  
熙九年移衛袁州其守備千總各一員駐劄省城守備理錢  
糧監造船隻千總領運北上隨幫千總一員催押回空三年  
爲滿各員歲俸養廉行糧均有定額

### 屯田

明額屯田四百八十八分每分三十畝所謂分者卽一丁所承  
之數猶古一夫受田意也初制每分納米六石後每分徵折  
色銀一兩二錢本色米三石萬曆時李大鑾兵荒屯道行府  
扣各軍月糧抵對完屯屯軍節年援例名曰對支在軍爲便  
而屯田因之埋沒失攷

國初承明末寇亂戶逃田荒軍丁賠累轉售於民於是有軍屯民  
屯之分而科則亦異詳田賦

### 軍丁

明袁州衛原立五所額軍六千五百餘戶通志載原額祖軍六  
千戶約成數也府志原額二千戶府舊志見在操運精局門  
哨各差正餘軍一千六百四十三名均非盛時全數萬邑軍

丁惟見永樂圖志洪武九年戶一千五百八十五丁口五千二百四其後莫考至末季僅存四十丁蓋漕政既累兵寇疊遭屯卒逃亡皆上有以致之

國初承逃亡之餘原編完賦屯丁貳拾陸每丁編銀玖分伍釐柒毫零計編銀

貳兩肆錢捌分玖釐本全書

按舊志原額肆拾丁內運丁拾叁例不編丁餘貳拾柒丁每丁徵玖分伍釐捌毫零與此小異

雍正五年攤派通省屯糧內均勻帶徵計增攤丁銀貳拾叁兩

叁錢陸分叁釐玖毫玖絲自雍正五年至乾隆二十二年歷

屆編審增攤壹兩肆錢捌分伍釐貳毫自乾隆二十七年至

嘉慶十七年又共增攤伍兩陸錢壹分捌釐計共攤增外縣

屯丁銀叁拾兩肆錢陸分柒釐

實共徵丁銀叁拾貳兩玖錢伍分陸釐遇閏帶徵伍錢捌分肆

釐

康熙五十二年

**恩**詔續生人丁永不加賦自五十五年至乾隆三十六年各屆新收

除抵補開除外實共滋生捌百陸拾丁三十七年停止編審

按府志乾隆二十四年查出舊管叁百叁拾壹丁漏丁叁

百伍拾玖新丁肆百叁拾壹厥後三十六年編審自必併

入毋庸另紀

乾隆六十年軍戶肆百肆拾伍丁口貳千柒百叁拾叁

嘉慶二十五年軍戶伍百叁拾叁丁口叁千陸百伍拾壹

道光三年軍戶伍百肆拾伍丁口叁千柒百捌拾陸 以上縣冊

### 漕船

明時袁衛船一百隻宸濠之變分撥南昌二十隻到衛船多軍累萬厯間屢控院司止撥回十隻故額載一百一十隻船式大小不等初造船時每隻給料價銀五百兩後遞減爲二百八十三兩零復派軍三銀二十一兩九錢民七銀五十一兩一錢及封底心銀十兩本丁親領自造尙多賄墊每船各載正改米三百九十八石四斗有奇副米二百一十一石有奇合

正副米爲一淺淺支行糧十八兩月糧四十八兩併淺減造行月二糧按米計算此袁衛漕船大略也萬邑漕船確數無徵大約十有餘隻明季迭遭兵燹衛軍十不存一船皆燬奪國初百計搜僉前後造袁衛船十九隻又將見運內幫丁撐駕丁析僉朋造九隻而舊船滿料已有八隻船少米多當事病焉康熙四年知府李芳春推官鄭燦會詳署糧道周體觀議以淺半減造定爲三十七隻九年軍歸縣僉袁衛存船二十九隻二十二年核定新造料價每船給銀一百七十七兩零二十六六年定給二百八兩七錢零至今爲例新造次年給小修銀三兩三年四年中修五兩五年至十年大修七兩後大修

歲增五錢既乃不拘年分定歲修七兩五錢十年為滿料准於通州變賣繳抵新銀六十兩由坐糧廳交運官賫送漕督發道轉給本丁三十六年縣衛因修造疲累詳准以大船合併三船袁衛止二十六隻時萬邑承運四隻半五十八年又拆造一隻共二十七隻萬邑承運四隻雍正二年定議每船長以十丈為準廣稱之乾隆二十四年裁萬載劉甘彭船四十七年以劉甘彭船丁撥幫本邑彭傳達見在萬載承運三隻

王吳

王睿禮居牛了嶺 吳侏牙居軍屯裏 散軍宋廷賀 居杭橋 劉應三居虎符道光三年由彭傳達船撥

李周

李藥賢居車陂頭 周文章居禮山

彭傳達

彭以達居石下 傅惟恕居長坑 劉乾元居菱燕 甘華貴居橫坑 彭春山居新塘山 散軍張冬保

居菱

胡瑞三居虎符 彭謙讓居下澤 歐陽美一居厥塘

鋪遞

附

前代郵置皆役民為之宋太祖始詔以軍卒為遞夫其後特置遞卒優其稟給遂為定制萬載在宋時有龍江驛獲富驛元明以後無驛站而有遞夫明驛站項下額設走遞差馬三十七匹人夫四十名後增夫十名馬六匹崇禎二年以地僻減去增數又扣汰額夫十之一額馬十之一五而官差承舍之楚之萍濫索旬奪騷擾實甚

國朝原設差馬二十一匹半人夫二十七名半鋪司兵九名後奉

裁汰止存鋪司兵七名其解支工料已詳田賦內各鋪建置  
兵數具錄於後

總鋪在縣治前之右明成化嘉靖間兩次官修 國朝乾隆間

重葺額設鋪司一名鋪兵二名

郭村鋪縣南十里郭村石溪上西南向明成化時修 國朝乾

隆間四都一畷王黃郭李四姓捐葺原設鋪司一名鋪兵二

名今裁兵一名

大樂岡鋪在縣東十里南向明成化十一年知縣陳瓌修 國

朝嘉慶間復修原設鋪司一名鋪兵二名今裁兵一名

冷鋪俱廢惟存基址 一建安坊福地廟左側深進二丈闊丈

二尺 一小北關內左連城下路深進丈二尺濶八尺 一

興賢坊郭姓出入右路傍辛宅對面深進丈八尺濶八尺

一西關內右城墻下橫直八尺 一西門外錦衣坊橫直八

尺 一小南門外右橫直八尺 一九都三畷藍田廟右直

丈三尺橫六尺前至官路後至墻脚左至廟右至陽溝

高載縣土著志卷十四

武事

劉宋大始七年豫章賊張鳳聚衆康樂山周山圖討平之

鳳斷江劫掠軍主毛寄生與戰大敗明帝復遣周山圖討之

山圖遣幢主龐嗣厚遺鳳要至望蔡豫伏兵水側斬鳳首

見南

齊書周山圖傳

按寰宇記高安縣有敗伏山在縣西南一百一十里以道

里計之在今上高縣治與望蔡設伏擊鳳事合惟山名康

樂應在康樂境內因採入

隋大業十二年冬十二月鄱陽賊帥操師乞陷豫章郡



師乞自稱元興王建元始興據林士宏傳攻陷豫章以林士

宏為大將軍詔治書侍御史劉子翊討之師乞中流矢死士

宏代統其眾通志 萬載時隸豫章郡

十三年冬十二月蕭銑取豫章林士宏退保餘干通鑑綱目

按隋末蕭銑林士宏亂萬載鳳嶺人應智頊嘗屯兵於鳳

嶺見方輿記又於華林山屯兵置柵保障一方見豫章書

又雲柵城新水橋城皆智頊屯兵地見明一統志所屯兵

號為義軍見華林實錄

唐乾符五年春二月王仙芝餘黨陷洪州通鑑綱目 時縣并

中和二年鍾傳取洪州

仙芝猖狂眾推鍾傳為長乃鳩夷獠依山為壁至萬人自稱

高安鎮撫使仙芝略撫州不能守傳入據之言諸朝詔拜刺

史是年逐江西觀察使高茂卿遂有洪州節唐書鍾傳傳

天祐三年夏四月鎮軍節度使鍾傳卒子匡時為留後秋九月

楊渥取洪州通鑑綱目

朱梁開平三年時淮南楊氏猶稱唐天祐六年秋七月淮南盡收江西地

撫州刺史危全諷帥撫信袁吉之兵攻洪州淮南守兵纔千

人節度使劉威密遣使告急日召僚佐宴飲全諷聞之屯象

牙潭不敢進楚王殷遣指揮使苑攻圍高安以助全諷徐溫

以周本將兵七千救高安本日楚人為全諷聲援爾吾敗全

諷援兵必還乃疾趨象牙潭全諷營柵臨溪亘數十里本隔溪布陣先使羸兵嘗敵全諷兵涉溪追之本乘其半濟縱兵奮擊全諷兵大潰本分兵斷其歸路擒全諷乘勝克袁州米志誠敗苑玫於上高於是江西之地盡入於楊氏

通鑑綱目

宋靖康時鄉寇四起邑人鄧玉率鄉民置立寨柵屯堡於湯周

山 舊志

建炎三年金人陷豫章叛將杜產率羣盜焚掠萬載

四年金遣兵大掠曹成馬友支黨迭寇縣境

紹興二年潰寇劉忠張成據縣山谷為亂知縣徐昇乞師靖之

時連年被寇井邑邱墟邑民幾無噍類 本徐昇修縣治記

按金人陷豫章在建炎元年見豫章書紹興三年劉忠之

將高聚犯袁州岳飛遣王貴擒之降其眾張成以三萬人

犯袁州陷萍鄉復遣貴擊之成敗被擒具詳金陀編行實

編年則所稱乞師以靖者殆即王貴兵歟

紹興初虔盜周十隆張大閑黨於縣界內盤泊作過安撫使李

綱遣將討平之 省志李綱奏狀本集不載

元至正八年萬載妖人彭國玉作亂聚眾數萬

國玉以白蓮惑眾倡言撒豆成兵飛茅為劍謀不軌事敗竄

入麻城合鄒普勝眾以紅巾為號 袁州遺事通志

按陳志誤作元統八年今據通志校正

十二年徐壽輝偽將歐普祥陷袁州舊志紅巾賊劉仁等據萬

載建城治東舊志

按舊城池志元季紅巾據縣築城於治之東置門四周圍五里坊鄉志花園巷元至正間雙刀手劉仁據縣開設廟祠志城隍廟紅巾劉仁舊居黃自中譙樓門廡記北門城樓劉敬與姪明德屯據時所為是仁敬等皆彭國玉黨也又按李厚岡克巢砦詩序高村東行二十里溪南有山虎牙屹豎絕頂開平窩多瓦甍故老傳云元末居民捍寇之地劉克巢砦主也故以名偽漢歐普祥滅之克巢殆亦劉仁黨歟

二十年夏五月陳友諒殺其僞主徐壽輝自稱帝九月壽輝舊將歐普祥以袁州降於金陵元本紀參明史紀事

按谷應泰紀事云普祥以袁州來降友諒遣弟友仁攻之普祥擒友仁友諒懼約和釋友仁歸

二十五年歐普祥死黃彬領其衆從常遇春湯和立戰功移鎮袁州諸山寨皆就撫見黃彬傳

明萬曆二年巨盜李大鑾擾縣境守備鄧子龍勦平之

大鑾嘯聚萬載黎源等處附近數十里內莊佃俱逃散額天四議

二年與楊青山倡亂分寧殺傷兵民甚衆官數征勦無功巡撫潘季馴至遣守備鄧子龍密授方略營萬載之黎源新昌

之黃岡奉新之百丈靖安之雙院武寧之黃竹又密令數十騎分伏楚疆斷賊西路子龍自率驍騎夜半入賊老營大圍

原誤山賊弛備就枕火礮四發皆驚潰斬首百焚死尤多餘

黨果趣黎源洞

舊志楊青山一夥遇伏兵次第就擒大鑾復

走安鄉將以楚長沙為援至五年南昌知府王三錫知州石

漢莅任申明保甲文武協濟不旬月大鑾青山餘黨盡擒

大志

按大鑾為盜始隆慶二年見湖南志又舊志云楊青山逃

匿天井窩依山為險江湖兩省會勦得其渠魁則趣黎源

者不僅餘黨也又云知府鄭惇典檄知縣徐一唯督官兵

鄉勇搜捕餘孽燬其巢穴始得平定此則以邑人紀邑事

自應較詳當時鄉勇義民有功桑梓如李鳳洲以鄉導給

品服嚴金魁以帶勦遂旌贈皆確有可徵惜事久多湮沒

耳

五年設寧州銅鼓石守備立黎源哨於萬載 豫章書舊志

大鑾等既擒撫臣奏增設城堡立守備等官於大圍山之銅

鼓石分定哨五營黎源諸洞險盡在掌握可成內外應援長

治之策 大志

崇禎十年十一月臨藍流賊陷萍鄉乘勝東下置防守兵

賊眾數千自楚破萍鄉邑境震動巡撫解學龍撥省兵百名

防守月餘始安 泰通志

十五年麻棚邱仰寰盧南陽本府志加結寨天井窩為寇

後脅從至萬餘人破城十三次十七年四月方就撫舊志

按窩寇之變有上高黃鼎彛勦撫始末及明史紀事通志

府志記載最為詳備而傳聞異詞不能盡合且於萬邑事

恒略故不旁採惟新昌志破賊紀略云左兵復袁仰寰授

首江督呂所調兵大掠錦三即盧南陽至株樹潭倡為勦兵安

民之說衆服令以鼓吹送偽官至萬載無敢逆者未幾為

百姓擒斬足補舊志之略

國朝

順治二年十二月新昌副都陳泰來遣所部李凌虹提兵入萬

載殺我所置令杜章卿連破新昌泰來旋敗死通志

按白志泰來傳初益王起兵建昌泰來欲從之同邑按察

使漆嘉祉舉人戴國士持不可已而新昌破國士降泰來

惡之會上高舉人曹志明等兵起泰來與相結復上高新

昌寧州殺國士妻子遂取萬載比新昌反正泰來走界埠

志明從上高移軍會之俱敗死據此則入萬殺杜令實係

泰來之兵蕩平附記云六口上石庫任選貢某偕萬載庫

吏某入萬載城殺署令杜署尉張而不及凌虹之名考凌

虹上高東溪生員見勦撫始末內而蕩平始末內止有梅

溪李舉人亦無凌虹名豈瑞府上高原報遺漏耶又按黃

鼎彝監紀蕩平始末順治二年分宜令曹國祺號集上高稱醴陵黃朝宣兵奉隆武偽詔恢復江西新昌陳泰來出貲召募應之曹陳弄兵數月文武遇害萬地蹂躪最酷此雖與志小異亦足爲泰來寇萬之徵

康熙十三年宜春棚寇朱益吾等作亂連破縣城肆殺擄掠新昌瀏陽賊與合十六年官軍勦平之

時吳逆三桂據長沙朱益吾黃乃忠等乘機烏合五月據三關九畝叛四縣棚寇應之大肆殺掠六月協鎮趙應奎遣守備陳素綸等追勦陣斬賊首朱益吾朱翰苑生擒賊首李念松李瞻我九月賊破萬載城十月應奎以總兵統軍會同穆

都統成額分道疾趨萬載賊出拒奮擊敗之陣斬五百餘級及賊渠邱以祥擒僞知縣童聖功十一月賊逼郡城萬載餘寇復熾防萬游擊陳素綸擊敗之陣斬僞監軍道盧景岱賊將漆國勲擒僞守備李忠 十四年三月中軍游擊潘希聖進剿白水老巢殺賊千餘四月僞總兵揭玉卿突萬載素綸等與戰敗之斬千餘級又敗之白良 十五年二月素綸與中軍游擊李顯宗敗賊於鐵山界斬僞都司守備各一擒僞千總曇雲追至沙溪城潭江斬首千餘擒僞守備孔貴四月十五日賊勾瀏陽諸賊復陷萬載盡燬衙署儒學及民居市肆擄殺男婦不可勝計新昌寨賊鄒維新與揭玉卿衆合踞

邑六區分劫歧源觀上等村又寨下田北四都被擄男婦百餘口

府志注自十三年至十五年前後擄殺男婦七千七百餘口

玉卿旋於長阮就擒都

司趙應時守備楊朋實由三陽橋進與顯宗會剿萬載賊賊列營城外我兵擊之遂渡河截龍河渡口我兵亦渡搏其營

賊大敗分竄追斬無算遂復萬載守備關彪剿茶村一路斬

偽守備江文夾 十六年正月應奎統游擊趙應時等由金

瑞進城守游擊關彪都司汪國梁等由白沙桐木守備胡文

良由上栗市碧溪訂期夾剿白水櫛樹潭老山阮聚錢阮鐵

山界諸賊直搗黃茅孫家墩老巢陣斬偽游擊周良宇卜鳳

奇偽都司張問達黃大用歐陽勝楊吉勝等賊巢盡燬賊首

朱永盛曾加印等潰逃二月總兵趙班師留應時彪國梁駐

防櫛樹潭搜捕餘孽 十七年二月偽總兵朱永盛高玉澤

曾加印偽副將范君佐甘孕貞邱加職陳君啟等領眾萬餘

詣櫛樹潭投誠總督董分散各標効用眾入伍願歸農者准

回籍

按棚匪起禍於宜肆毒於萬故巢穴多在三四區而剿殺

投誠俱在萬境舊志缺載幸宜春志紀載頗詳通志及名

臣傳尤可徵信採補之略見始末焉

雍正元年臺灣逸賊溫上貴據歧源知縣施昭庭率兵勇擊走

之上貴被擒 上貴受朱一貴偽元帥劄一貴誅乃嘯聚流

匪集於煙竹三月據岐源昭庭請兵防禦親率義勇陳輝玉  
嚴林森羅老滿等百餘人拒之十七日偵賊將悉衆劫城男  
女紛紛竄伏知府李英適抵縣民稍安十九日官兵至方讓  
進勦義勇前驅遇賊鬪吳細哥陣亡陳輝玉等仍大呼殺賊  
賊多死上貴等奔新昌義勇官兵乘勝逐北與新昌兵勇犄  
角夾擊賊大潰上貴爲新昌民盧勺所擒與其黨三百人伏  
誅論功擢用有差被難地方均邀

卹典

府志 泰舊災祥  
志名 臣滿保傳

附錄

康熙十五年知縣吳自肅申詳地方情形文云爲憑陳發邑  
情形聖鑒以存子遺事竊維萬載古稱上被非自今而  
已然自康熙十三年春人禍將興天災先作上鄉自水一帶  
忽被異常水災衝山破峽蛟龍並出各村廬舍浪滾萍漂男  
婦溺死滿川薇野田畝化爲川澤當卽勘實具申不意天災  
未寧寇亂繼起宜春棚寇朱益吾等因吳逆竊踞湖南承間  
跳梁聚衆盈萬領授僞職戕害居民雖渠魁授首曾不移肯  
而餘孽朱君平等繼起熾焰日甚九月初旬自鐵山界楠樹  
潭擄掠而來殺人盈野哭聲載路萬載兵少城卑卑職只得  
單騎詣郡哭師請援而賊卽於九月二十一日破城以生民  
作菹粉變廬舍爲坵墟萬之爲萬不堪問矣迨滿兵臨袁於  
十月二十四日下縣恢復此時逆賊順民兩難分別癰疽雖  
潰元氣大傷除斬馘逆賊之外失去居民男婦四千餘口人  
煙寂寞十室九空隨經申叩上憲求賜賑恤百方招集迨至  
十四年夏稍有生色而當大師駐袁分兵防萬軍糈糗糧萬  
難推辭量徵十四年分錢糧兵米雖爲數不滿十分之一而  
百姓已骨盡髓竭矣查萬載疆界南至宜春十五里路當衝  
要百姓逃徙已盡東抵上高二十里素稱不毛之地近遭蹂  
躪俱成石田西北抵瀏陽界疆域稍廣皆係三區四區地方  
賊人盤踞東北抵新昌及銅鼓界係六區地方前猶爲內附  
之地凡一切正供及一切軍需無不取給於此自今十五年  
滿漢兵起長沙又值叅將陳素淪身染重病逆賊偵知的實



卽糾賊數千自瀏陽界直抵萬載乘虛而入把總陳啟陳忠等同卑職族叔吳慶孕帶領鄉壯在高城禦堵不料誤中詭計我軍散失於四月十五日城遂再陷進城以來逢人便殺見婦便擄卑職及防將各官公署 聖廟兩廡門盡行焚燬民居宅舍十不存一迨官兵恢復城門之外屍首蔽野無人收顧真聞數十里繫纒男婦不可勝計屠城之慘從未有如此之甚者也於是新昌寨賊鄒維新申同揭玉卿等帶賊二千餘人乘萬城破敗自山寨移踞六區又誘脅附近愚民爲之醜類爲之鄉道到一村則一村殘洗到一鄉則一鄉破敗向所云可供軍需之六區盡入賊之囊橐矣而又分布遠近彌月不去迨至官兵進剿又取六區之大姓合圍而盡焚之於是歧源藏溪觀上等處蕩無炊煙寸草不畱而寇跡不息天災復至五月大雨彌旬異常水勢四門衝折頽城一十六丈有餘平地水深三尺男婦涉水而死者又不計其數卑職備文申詳兩有亟求協濟賑恤之請迄今冬月瘡痍未起逃亡未復而賊眾益肆猖獗離城十里內外如寨下田北四都等處又被逆賊焚劫擄去男婦百餘口自是之後日無虛報卑職屢請救援究無長策而民遂逃亡盡矣切思萬邑編小鄉止六區今一區二區牧馬蹂踐無幾三區四區區區盜賊踞五區六區偶見一二時值官吏新卸給者今盡

窺爲盜藪可憐咫尺之地便同異域廢城一座荒山一掌城寇環郭而處且災傷頻至莫可支吾催科則無人可呼團練則無民可聚而在城官兵持重城守不及設備四鄉以故地日狹而賊日衆民愈逃而城愈危坐若針氈勢同積薪官此土者亦云極矣幸過憲臺軫念殘疆加意體恤但地方情形猶恐未悉其詳敢據實報明懇賜方畧起死回生枯骨復肉則窮員窮黎均沐洪恩於無旣矣

知縣常維楨申詳慘苦情形文云爲瀝陳慘苦之情乞賜矜憐之政以保殘疆以全子遺事萬載地處山僻中分六區丁田於是乎在賦役於是乎出年徵一年尙有遲欠何況大亂之後丁缺田荒者乎自康熙十三年九月二十一日柵寇猖獗城池失守十月二十四日恢復焚燒月餘殺擄過半及至十五年四月十五日城再陷旋雖恢復屠洗一空官民房舍盡付一炬此外郊圻賊之盤踞劫戮者三載前後擄殺實去男婦共七千七百餘口田地拋荒至十分之九俱經前任吳知縣歷詳請豁在案卑職九月十七日到任目擊地方傷殘所存空城所堆瓦礫衰草連天荆榛奪目真有難繪難陳卽今獨處空城寄身破壁不敢自安以緩 國課仍徧踏四郊確勘被荒實數多方軫恤加意招徠并示給牛授種業已一月於茲矣節奉嚴檄督催一應各年未完民屯錢糧銀米卑

職凜遵憲牌微比不遺餘力舉凡藉口荒殘槩置弗顧業已  
戕民命而傷國本茲據合邑紳士人民龍星宋繼種等泣陳  
被難情由懇請勘豁前來其有哀號道左板轅環訴諸荒狀  
每日不下數十餘張見在存案未能盡錄卑職見之誠有坐  
視無策而相對攢眉者也查錢糧必由田地追徵必須有民  
今萬載兩被殺擄如五六等區絕無人跡三四等區久作賊  
窠此外一二區中或家有數口半遭屠戮或族本繁盛今則  
凋殘父子仳離夫妻拆散如前所陳擄殺名數一一皆真事  
事堪淚凶慘至此可為極矣田地之拋荒不問而知也若夫  
見在之百姓率皆鋒鏑餘生饑寒殘喘正賦而外長沙擄擄  
諸遠役無不責之即其忍死急公早已髓枯血竭拊循不暇  
忍督逋欠至於部文之設法催徵益又甚難他郡或遭寇亂  
未至失守萬載則兩次淪陷他郡一經恢復人民尚在萬載  
則洗戮一空卽曰田地可耕房屋可築器用可置牛種可辨  
而獨此人民一項一時難以驟長是生者還可望其復業而  
死者豈能行令復出他如招徠之法非不推心置腹乃兩年  
以來一民未歸元氣未復推原其故皆緣於各年之逋賦雜  
辦之差徭無不并責其身以致足未入境而頸繫長吏之手  
所以宰甘流落走死他鄉而不顧者也合無詳請憲臺俯憐  
萬邑之慘非同他郡拋荒之田實是無徵一切節年民欠特

賜轉請蠲豁庶骨立之遺孑得以漸甦而逃亡之黎庶聞風  
恐後殘疆其有不起色者乎

紳士辛承頊等公狀竊聞民當顛連困苦之後水火塗炭之  
餘必有仁人君子起而拯救之夫然後瑣尾之民乃得有濟  
則如今日是矣痛我萬邑僻處山陬接連楚壤土瘠民貧夙  
稱上疲自癸未天井寇亂破城一十七次以來田荒猶未盡  
墾民氣猶未盡甦兼又水旱頻仍蟲蝗肆害每年申詳十徵  
六七是萬邑之荒殘匪自今日始矣不虞天不憐禍災害疊  
至謹以事之最苦者為憲臺瀝血陳之甲寅五月孽蛟四出  
平地水湧丈餘白水潭埠一帶地方房屋盡皆漂沒人民盡  
皆滄溺山崩地陷平原沙壅此萬民之大難一也又吳逆犯  
順長沙失守柵民嘯聚浣村掠縣甲寅九月破城殺民擄婦  
牽牛洗財據城肆虐一月有餘遭禍最先受苦最毒此萬民  
之大難二也乙卯春夏城中城外巷無居人幸賴前任縣主  
加意招徠逃亡之衆漸漸歸附無如驚鴻甫定夫役旋徵或  
饑寒就道或老耨應役以致累死道路不獲還鄉者十有六  
七此萬民之大難三也丙辰四月鎮萬陳黎府身染重病棚  
賊偵探得實捲土重來復陷萬城見人卽殺逢屋便燒屠城  
之慘亘古未聞此萬民之大難四也自是以後雖旋請兵恢  
復無奈賊衆盤踞山谷東攻西竄西擊東逃兵至則潛兵退

萬載縣志卷十五  
復出離城十五里外皆爲賊有人人皆遭磨滅材材盡被洗  
擄此萬民之大難五也甚且甫離賊害又受捕風捉影之磨  
幸保殘軀反有吹毛求疵之事士民悉遭魚肉善類盡被網  
羅民之苦上加苦者不可屈指此萬民之大難六也兵燹未  
已饑饉踵至倉廩盡焚前此之蓄積已燼田疇盡荒當前之  
蓋藏又虛採薇而食難以實腹饑餓而死者道路相望此萬  
民之大難七也且山上之樹木伐盡園中之蔬菜摘盡家畜  
之猪雞取盡以致器皿什物無不供駢弁悍卒之誅求此萬  
民之大難八也以上諸苦情向蒙吳縣主前後逐詳繪圖請  
命奈因各縣當事援例申詳其殘破者曰殘破卽未甚殘破  
者亦曰殘破遂至上憲一體批答此凋瘵之情所以難通而  
子遺之命所以難保也目今離散之衆訪子尋妻窮年奔走  
於道路破產之夫求衣覓食終朝馳逐於饑寒往昔田疇盡  
成蒿萊自具手足誰能畊種即欲還尋舊業旣嗟無牛無種  
縱欲復歸故土尤嗟無鄰無親爲此公同泣懇懇憐於萬難  
拯救之中設法拯救萬難撫綏之會極力撫綏庶顛木之藁  
得以漸長骨立之民得以漸甦矣

萬載縣土著志卷十五

古蹟

吳陽樂城晉改名康樂故址在縣東北四十里今羅城

按晉武帝改陽樂縣爲康樂縣不聞有遷建事

舊志以陽樂卽今縣

治晉改康樂遷治未知何據

蓋陽樂城卽康樂城也寰宇記乃云陽樂

城在州西北八十里義鈞鄉康樂城在縣東北四里今求

之兩地絕無蹟記必誤矣明一統志瑞州陽樂城在新昌

縣東二十里袁州康樂城在萬載縣東二十里亦誤惟瑞

州古蹟注康樂城在府西一百九十里獨得其實今以道

里方隅按之其地適當羅城羅城正古康樂鄉康樂里也

萬載縣志卷之五  
康樂水在焉至今尙有城上西門游門諸地名其爲康樂  
故城無疑上高新昌志各謂其縣有陽樂城蓋爲寰宇記  
所誤

萬載塲故址在邑西萬載鄉

按唐末立萬載塲因鄉名塲其址未知在何處姑以萬載  
鄉統之

鄆王寨在縣西三十五里湯周山宋靖康間鄉寇雲擾玉聚鄉  
民立寨柵屯堡於此舊有石壇今不存

韋志府志

按韋志云鄆王寨嘉靖志誤稱燕王寨攷嘉定志已作燕  
王寨非自嘉靖志始

鄂王岳飛土城在縣北三十里三百坵俗稱土城裏

按三百坵土城相傳飛征楊么便道駐此滅土寇高蔡陽  
等遺蹟猶存舊志失載攷建炎紹興間劇賊曹成馬友黨  
潰寇劉忠張成輩先後據萬飛以紹興二年討曹成招降  
馬友郝通三年兩遣王貴擒劉忠張成五年入覲奉詔討  
楊么七年李綱捕虔吉盜飛由襄陽會勦

見金陀編及宋史

然則

飛之駐此爲親至爲遺屬爲特來爲假道均未可定高蔡

陽別無可稽想卽據萬餘黨歟

營盤嶺在縣西楮樹鎮距巡司署數里世傳岳飛自湖湘往新  
昌經此駐兵 國朝康熙十六年二月遊擊趙應時關彪都

司汪國梁搜搃賊巢領馬步兵駢劄於此

銀山寨在縣南十五里 嘉定志

按輿地紀勝循石壁而上洞中可容數百人避寇者多居之

武功峽在縣北一百二十里黎源明萬曆甲戌守備鄧子龍追

賊李大鑿楊青山至此破之土人名峽曰破賊又曰武功

謝仙壇在邑北七十里謝山靈應觀後謝仲初修真處壇址丹

井試劍石及履跡存焉觀側登仙臺飛昇石邑西關外真君

井一名卓劍泉又十里竹渡四十里謝仙石一名麻鞋石皆

其遺蹟

青陽洞天在縣北二十里冠邱山左側兩石並聳高數丈中一

隙廣盈尺壁腰橫鐫青陽洞天四字相傳為仙蹟舊志訛作

青蓮洞左側舊為青陽道院邑人菽玉溪建其姪遂初隱於

此梁寅有青陽歸隱圖記

東蒙峯在縣西八十里獲富山石盤鬱樹林陰翳石壁鐫東蒙

峯三大字八分書旁小字滌滅僅識道人二字或傳為張巖

書院遺址

獅崑在縣北五里南田峭壁臨淵壁鐫獅崑二字大盈丈旁有

大德 元成宗 二年春月書七字相傳為仙蹟

趙相藺相如宅在縣西五十里鄉有藺家村 舊志詳寓賢 辨

別駕習鑿齒書堂在縣北八十里書堂山山谷深邃雖霽恒有雲霧相傳別駕讀書處墨池尙存道光七年邑衆重建本舊志

康樂侯謝靈運讀書堂一在縣北四里地名山峽臺上石硯猶存一在邑東北二里地名厥塘

按靈運食封康樂若嘗至縣集中豈無一字或其相遺蹟乎

孝子廖洪宅在進城鄉嘉定志一云在縣治東果巷與仁坊舊志

陶公石室在縣北東三十里陶家坊平田中突起一巖約高三丈中有石室相傳唐竹溪六逸陶沔晚歲隱居於此一名陶

逸巖俗訛桃花石參寰宇記

南平王鍾傳宅在縣北十五里今爲民田前有石筍人稱鍾令

公石參洪武志通志府志

按舊志上藍寺卽其遺址考傳素與上藍寺僧往來寺非

宅址可知嘉定志謝志宅在州西北化成巖側唐僖宗所

賜第有南北二池今遺址與池尙存有別業在萬載江城

名蹟記南昌府城崇梵坊唐鍾傳故居今爲永寧寺卽佑清寺

旁有娉婷里南平侍兒所居後以名市林志宅在上高縣

西五十里今爲九峯寺有傳畫像在焉蓋傳宅本不一也

惟明一統志宅旁有石如筍屹立因呼其地爲石筍阮專

指萬載傳係萬產石筍阮實桑梓舊宇南昌特鎮州時所

構宜春則賜第上高殆別業歟

太保青陽公宋齊邱宅在縣西三十里懷舊鄉緬村里

府志

按洪武志作萱村里地本連都音亦相近舊志作縣北十五里水阬礫則誤矣明一統志齊邱仕南唐拜相乞歸九華山賜號九華先生林志宅在高安縣遼山下安志南昌齊邱兩爲節度使居洪州大起宅名其里曰愛親坊曰錦衣日與賓客讌樂旣而捨爲中宮寺齊邱生長萬載九華遼山南昌皆宦後所宅耳

刺史李徵古宅在縣西二十里高城市後徙城中安仁坊

按明一統志嘉靖府志均未詳徵古宅里考徐錯袁州先

聖廟記敕改所居高侯鄉高城里曰懷舊鄉孕秀里則宅

確在高城無疑

國子祭酒徐鉉讀書處在古福慶坊相傳鉉宦後人食其惠因

以名坊

劉長者讀書堂在縣北七十里謝山靈應觀左

龍南尹歐陽朝讀書處在縣南興賢坊

太史譚觀隱居故址在縣龍河石巖旁

以上舊志

尙古堂稅使黃璧建在治東集賢坊有記又建我我亭有詩

澄波堂進士黃盅宅又建書舍吳澄題曰大本堂皆有記

東岐山房黃盅建在東岐鶯鼻峯後水木田疇盤曲中谷有詩

今稱黃家嶺 以上三條移輯

雲松巢在縣東北六里涂泉上高教諭胡泰結廬於此有記詳寓

賢志

長史龍鐔讀書處在縣北十六里鐔嗜佳山水按浙回卜白良

之青天馬奇峯秀水茂林修竹道士黃朴庵焚修處也鐔即

其址拓之延袤數十丈今為長興寺後人塑朴庵像併鐔主

祀焉 郡志韋志

華萼堂在治東後街布政易節構為友恭謙樂處

志喜堂侍郎郭瑾得贈父母建以志喜有記

彭觀察讀書處在城東岳門樓西名小魯齋今廢址猶存

孝子龍以仁廬墓處在車溪曰瞻思堂題咏甚多彙有瞻思堂

集 採藝文補

畫永書堂在建城坊明洪武間長史龍鐔建

左布政易節讀書處在治東後街名烏溪書院

侍郎郭瑾讀書處在治南名綠陰書屋

給諫劉蓋讀書處在邑東北二里名桐岡書屋因山水之勝結

屋藏書有記

郡守李瓊讀書處在邑石頭山亭沼輝映園樹菁蔥甲於一時

郡丞彭天補讀書處在邑北煉石別業 以上並舊志

按舊志望嶽樓在東郊外百步可望東嶽祠今廢翠巖亭



高郵縣志 卷之五  
在縣北龍江上邑人彭顯建石亭在林家渡邑三尹彭天贊建爲往來憇息所明崇禎間廢

國朝康熙四年邑人王事重建木亭善果亭在黃茅嶺彭立殿建憇行者皆古蹟也今附於此

按通志龍江亭在縣北獅子山頂府志勞勞亭明知縣陸

世勣建於筆架山畔按明知縣有陸璫無陸世勣舊志龍江亭一在龍

山頂邑宦遊宴登眺之所元末燬明正德丁丑知縣張邦

穀重立一在龍河水濱名龍江駐節亭凡宦遊應舉於此

祖餞明成化間知縣陳璨令邑民辛璿創建迎恩亭在治

東南二里廂外明洪武十五年知縣李遠建迎春亭明隆

慶間知縣徐一唯修葺邑人思慕旁立徐令生祠崇禎間

知縣韋明傑捐貲重修今並廢

萬載縣志卷十六

封爵

晉陶回丹陽人爲司徒王導司馬蘇峻之役請早出兵守江口峻將至策峻必向小丹陽南道步來伏兵要之可一戰而擒庾亮不從卒如所料王師敗回還合義軍得千餘人並爲步軍與陶侃溫嶠等并力攻峻又別破韓晃以功封康樂伯官終征虜將軍領軍將軍散騎常侍謚曰威子汪嗣位至輔國將軍宣城內史

節晉書本傳

按通志祠廟云利貺廟在高安鳳山祀陶回回封康樂伯

咸樂疑咸和之誤中食邑苦旱乃發廩賑濟民利其景貺建祠

祀之則威公惠在食邑史傳雖畧賴祠廟志而章惟食邑  
在康樂與今高安無涉攷高安志無所謂鳳山惟有鳳嶺  
山舊志在治西七十里新志六十里雖距康樂不遠究隔  
宜豐望蔡境不得謂爲康樂封域也今康樂里有康樂古  
祠不名利貺宜改塑像爲木主復利貺之名以誌威公之  
惠焉

謝元字幻度時符堅彊盛朝廷求可鎮禦北方者叔父安以元  
應徵拜建武將軍兖州刺史領廣陵相監江北諸軍事以功  
封東興侯堅自率兵屯項城衆號百萬詔以元爲前鋒拒之  
堅進屯壽陽列陣肥水元軍不得渡乃使謂符融令稍卻堅  
衆因亂不能止元以精銳入千徑渡進決戰肥水南堅中流  
矢臨陣斬融堅衆奔潰自相蹈藉投水死者不可勝計肥水  
爲之不流遂經畧舊都兖青冀三魏以次平定加都督徐兖  
青司冀幽并七州封康樂縣公官終會稽內史追贈車騎將  
軍開府儀同三司謚獻武子瑗嗣官秘書郎卒子靈運嗣  
宋謝靈運文章之美江左莫逮襲公封食邑二千戶性奢豪車  
服器物多改舊制世共宗之咸稱謝康樂也仕晉至黃門侍  
郎高祖受命降爵爲侯食邑五百戶文帝徵爲秘書監遷侍  
中賞遇甚厚自以才能宜參時政而帝唯以文義見接意不  
平多稱疾不朝直乃賜假歸會稽與太守孟顓構隙顓表其

異志靈運詣闕自訴以爲臨川內史在郡游放爲有司所糾  
司徒遣從事收之興兵叛逸爲詩曰韓亡子房奮秦帝魯連  
恥本自江海人忠義感君子追討禽之徙付廣州後詔於廣  
州棄市 節宋書本傳

劉秀之字道寶東莞莒人元嘉二十五年除督梁南北秦三州  
軍事梁南秦二州刺史聞元凶弒逆卽日起兵求率衆赴襄  
陽事平遷使持節都督益梁二州寧朔將軍益州刺史義宣  
家荊州爲逆秀之斬其使遣兵襲江陵斬其將席天生進號  
征虜改督爲監持節刺史如故以起義功封康樂縣侯食邑  
六百戶官終使持節散騎常侍都督雍梁南北秦四川竟陵

隨二郡諸軍事安北將軍寧蠻校尉雍州刺史追贈侍中司  
空增封邑爲千戶謚忠成子景遠嗣官至前將軍卒子儁嗣  
齊受禪國除 節宋書本傳

康樂公主修明孝武文穆王皇后生 宋書

徐孝嗣字始昌東海鄰人八歲襲爵枝江縣公宋孝武甚愛  
之尙康樂公主官至齊司空 節南齊書本傳

齊李安民蘭陵承人宋明帝論饋口功封邵武縣子仕至左衛  
將軍領衛尉太祖卽位封康樂侯邑千戶官終散騎常侍安  
東將軍吳興太守贈鎮東將軍謚曰肅 同上

梁侯瑱字伯玉巴南充國人世爲西蜀豪酋侯景亂以超武將

軍隨鄱陽王範世子入援景敗瑱誅其黨與以應義軍授武  
 臣將軍南兖州刺史封郟縣侯荊州陷衛晉安王還都承制  
 改封康樂縣公邑五千戶進號車騎將軍鎮豫章仕陳為太  
 尉增邑千戶天嘉元年改封零陵郡公謚壯肅節陳書本傳  
 陳陳叔陵字子高高宗第二子也高宗為江陵直閣將軍生叔  
 陵江陵陷高宗遷關右其還也以後主及叔陵為質天嘉三  
 年隨後主還朝封康樂縣侯邑五百戶大建元年封始興王  
 奉昭烈王祀高宗崩為逆蕭摩訶馬客斬之同上  
 林馮世祖時討陳寶應尚書下符有曰持節通直散騎常侍壯  
 武將軍定州刺史康樂縣開國侯林馮見陳寶應傳

萬載縣土著志卷十七

秩官

文秩

孫吳

陽樂縣長一員黃武中始置姓名無攷

縣丞一員無攷

縣尉左右各一員無攷

晉

康樂相一員初為伯相東晉升為公相無攷

主簿一員無攷

錄事史主記室史門下書佐幹員名並無攷

康樂公長史一員秩一千石東晉置攷得一人

劉濟重采晉書謝元傳補

西東閭祭酒西東曹椽戶倉賊曹令史屬各一員姓名俱無攷

宋

康樂侯相一員武帝時置無攷

主簿長史員名並無攷

南齊

康樂侯相一員攷得一人

嚴植之建武中任采梁書補有傳

主簿長史員名並無攷

梁

康樂相一員初為侯相承聖中升為公相無攷

典祠令典書令典衛長各一員姓名並無攷

陳

康樂相一員初為公相天嘉三年復為侯相姓名無攷

長史一員攷得一人

孔奐會稽山陰人光大二年由信武將軍南中郎將在采陳書本傳補

丞尉姓名無攷

隋

按大業中康樂地併入建城職官姓名應入高安志

唐

陽樂縣令

一員武德五年置無攷

縣丞主簿尉

各一員姓名並無攷

按陽樂旋省入高安舊志有高安令王仁恭太和六年任  
嘉定志有朱郁大中二年任建城監稅徐湘乾寧五年任  
今攷尚有諶賁元和間令高安見萬姓統譜陳灌東方顯  
並任高安丞見新唐書又尉三人李英見通志祠廟楊含  
見函史侯彝見豫章書又制置使二人鍾傳乾符中任見  
新唐書陳承昭江州人見稽神錄因高安志漏載故附錄

楊吳

萬載場監場

一員姓名無攷

萬載縣令

一員順義元年置姓名無攷

丞簿尉

各一員舊志載有後唐長興二年佐貳一人餘俱無攷

辛開宣

有傳

南唐

令

一員攷得一人

馮

球采嘉定志補

丞簿尉

各一員姓名俱無攷

宋

知縣事員一

陳大中 祥符元年任 采嘉定志補

石麟之 嘉祐進士由蕪湖尉 調任采萬姓統譜補

董沂 元豐元年任

楊楫 元豐四年任

姜植 元祐元年任

朱凱 元祐四年任

陳元 元祐七年任

黃公孺 紹聖二年任舊志作 公儒據嘉定志改

劉琬 紹聖三年任

周濬 元符二年任舊志作 周濬據嘉定志改

褚卞 元符三年任舊志作 褚夏據嘉定志改

連伯虎 崇寧元年任

王旋 崇寧二年任舊志作 王旅據嘉定志改

李存 崇寧五年任舊志作 李存始據嘉定志改

杜庸 大觀四年任

吳施 政和三年任

傅之理 政和七年任

李并 宣和元年任舊志作 李甘據嘉定志改

歐陽識 宣和四年任

張翔 建炎元年任

任世英 建炎四年任

徐昇 紹興三年任 有傳

郭濤 紹興五年任

雷孚 紹興七年任

喬鼎 紹興十年任舊志作 喬升據嘉定志改

江文 紹興十三年任 采嘉定志補

葉儋 紹興十五年任 采嘉定志補

姚時行 紹興十九年任

盧壽朋 紹興二十三年任舊志作 壽時據嘉定志改

趙子孟 紹興二十六年任政平 訟理子孫著籍宜春

范如璋 紹興二十九年任 有傳

鄧服采 隆興元年任

余敏 隆興時賜進士由宜安 簿陞任采德興志補

洪綸 乾道二年任

費義 乾道五年任



王昌祖 乾道八年任

馮堯文 淳熙二年任

祝勛 淳熙四年任

趙不諫 淳熙七年任

席蕤 淳熙十年任

錢文 淳熙十四年任

趙伯遊 淳熙十五年任

申汝翼 淳熙十五年任

張謬 紹熙三年任

林思純 慶元元年任

彭時行 慶元四年任

王俱 嘉泰二年任

陳雄 嘉泰三年任

錢邁 開禧二年任

沈燮 嘉定三年任

林景達 嘉定六年任

林力行 嘉定九年任

汪闡中 嘉定十二年任 舊志作閩中據嘉定志改

朱起章 長樂人 紹定九年任

冷應徵 淳祐間任 有傳

鍾季玉 淳祐間任 府志采宋史補有傳

趙師

陸琪 舊志作孫琪 山陰人 采渭南文集改

鄧孝甫 臨川進士 由陳雷尉陞 采宋史補

丞員

徐如晦 豐城人 隆興時調任 采林志南昌府志補

晏防 采宋史補有傳

趙師俠 淳熙五年助修學宮 采楊愿學記補

吳予似 鄱陽人 嘉定四年任 修惠民藥局見張嗣古記

石應雷 樂平人 紹定戊子鄉舉 采饒州府志補

璋 眉山人 以迪功郎任 采朱子王氏墓志補

龍以禮 邑人 祥興二年舉賢良方正任

主學

一員 攷得一人

徐應午 建昌府人 采文文山青雲莊記補

主簿

一員

徐升 宣和間任府志

江琪 淳熙五年助修學

阮許近 長溪人淳祐元年

陳棨 進賢人寶祐進士以迪

辛思溫 南宋時任采稼

尉員一

方南卿 德興人靖康間任

張祖順 紹興間任采攻

婁南良 臨川人咸淳戊辰進士以迪功

高村巡檢司

元豐三年知袁州廖子孟奏置一員姓名無攷

元

達嚕噶齊

其官大小不等掌縣印者從六品號監縣一員舊作達魯花赤遵欽定元史語解更正

萬奴 至元間任

巴延 至正間任舊作伯顏遵語解正

阿兒渾沙

尹 從六品同達嚕噶齊掌縣事一員

王國用 至元間任

成棟

尙珪 采洪武志補

張輔 河南人

戴璧

馮士毅

易齋

丞 一員無攷

教諭 一員

曹邦

陳惠叔 泰和貢士采泰和志補

黃剛大 新昌人由薦辟任采新昌志補

主簿 一員 舊志僅載 一人 餘無攷

李珪

尉 一員 無攷

典史 一員

王仁

續端

宋詳

高村巡檢 一員 姓名無攷

明

知縣 正七品 一員

毋瑜 來賓人 洪武初年任 承萬姓統譜補

趙申 洪武二年任 有傳

韓或 洪武五年任

賈志通 洪武八年任 有傳

崔進 洪武九年任

李遠 洪武十年任

胡子愚 洪武十七年任

束清 洪武二十七年任 有傳

舒仲誠 洪武三十五年任 有傳

吳子成 永樂二年任

劉嘉 永樂三年任

黃埜 永樂六年任

白質 永樂十年任

韓融 永樂二十二年任 有傳

辛礪 宣德元年任

汪悠久 宣德四年任 有傳

李燦 正統六年任 有傳

梁高 龍溪人 景泰二年任

李富 白陽人 天順四年任

王銓 宣城人 天順七年任

邢廷楨 成化二年任 有傳

陳璨 海陽舉人 成化四年任 有傳

陳瑤 成化十六年任有傳

黃珙 永興進士成化十八年任有傳

童寬 涇縣進士宏治二年任

周磨 武進進士宏治三年任

于鑑 金壇舉人宏治六年任

張文 河南人宏治十二年任政教兼舉

顧英 慈谿進士宏治十六年任有傳

韓憲 蕭山舉人正德三年任有傳

洪世傳 海陽舉人正德五年任

陸璫 正德六年任有傳

王甸 崇陽舉人正德八年任

張邦毅 宜興舉人正德十二年任

盧秉章 新會舉人嘉靖元年任

陳府 上元進士嘉靖四年任以文學飾吏治民德之

蔣相 餘杭舉人嘉靖五年任

顧中孚 華亭進士嘉靖七年任公明剛介吏畏民懷

楊伯謙 嘉靖七年以吉水丞署任建社學於集賢坊仰山祠側

彭翱 歐寧監生嘉靖十三年任

林山 長樂進士嘉靖九年任有傳

許俱 長洲舉人嘉靖十四年任

劉綬 貴州宣慰司舉人嘉靖十七年任質實愛民

李參 長洲舉人嘉靖二十年任

周建 崇德舉人嘉靖二十六年任

黃彥常 黃州舉人嘉靖三十年任

倫學智 南海舉人嘉靖三十三年任

劉乾 崇陽舉人嘉靖三十六年任

郭諫臣 嘉靖間由本府推官署任修學宮修城

張文錄 同安舉人嘉靖間任

葉芬 金華舉人嘉靖四十年任

趙崇典 東莞舉人嘉靖四十二年任

胡文光 黟縣舉人嘉靖四十四年任有傳

徐一唯 蕪水進士隆慶五年任有傳

陳王庭 上虞舉人萬曆初年任築城葺橋邑民利賴

王惟翰 晉江舉人萬曆八年任

鍾以召 萬曆十年由本府教授署任修城易以磚石

盛廷效 廣德州舉人萬曆十一年任

張履中 武進舉人萬曆十四年任置學田

周道隆 蘄州選貢萬曆十九年任

鍾萬祿 清遠進士萬曆二十一年任有傳

畢懋良 歙縣進士萬曆二十三年任有傳

徐之孟 德清進士萬曆二十三年由推官署任修學宮

史起龍 象山進士萬曆三十年任

陶大邦 會稽舉人萬曆三十四年任

倫應祥 南海舉人萬曆三十八年任有傳

姚繼舜 桐鄉舉人萬曆三十四年任有傳

陳瑛 石首舉人天啓二年任置學田

石柱國 黃梅舉人天啓五年任

孟養心 天啓中由推官署任續置學田

李世瑀 靈川人崇禎元年任

韋明傑 烏程進士崇禎二年任有傳

唐昌齡 華亭進士崇禎十一年任有傳

曾宜高 順德舉人崇禎十四年任有傳

月中桂 天長舉人崇禎十六年任

縣丞 正入品一員崇禎三年裁缺

馮原禮 洪武二年任

鄭鈞

方孟誠 莆田人以人材舉采福建通志補

林伯奇 莆田人以人材舉采福建通志補

孔思道 洪武八年助令建學采湯茨記補

張子恭 洪武十年修郡城為提調官

江幹 洪武三十五年任

田耕

陳復禮

王道翁 永樂八年任

居諒 江陰人永樂中任見萬姓統譜

張文惠 永樂二十二年任

張受才 宣德七年任有傳

戚紀 宣德八年任

陳亮 正統元年任

王澄 正統三年任

施琦 正統七年任

周濟 正統八年任有傳

徐純

李昌 景泰四年任

魏冲 膚施人天順三年任

楊升 天順五年任

劉建 天順六年任

劉祐 浦城貢生天順間任采福建通志補

鄭文安 西安人成化二年任

孫恭 平鄉人成化五年任

黃璋 晉江人成化八年任

陳衡 上虞人成化十一年任

陳錄 成化十五年任

黃仲質 一作仲哲成化二十一年任

屠澄 宏治三年任

張惠 宏治十年任

石鉉 宏治十年任

姚鵬 宏治十年任

李浩 正德三年任

謝恕 正德五年任

方完 正德六年任

盧觀 正德九年任

施永通 當塗人一作宣城人正德十五年任

程賢 應山吏員嘉靖元年任

孫鵬 廬江監生嘉靖五年任

涂參 亳州吏員嘉靖八年任

龍廷憲 廬溪監生嘉靖十年任

廖綦 平樂監生嘉靖十五年任

歐庶 忠州監生嘉靖二十年任

楊士崇 莆田吏員嘉靖二十六年任

王和 江山監生嘉靖三十年任

孫佑 鄞縣吏員嘉靖三十三年任

周鳳 和州監生嘉靖三十六年任

詹秉鉞 惠安吏員嘉靖間任

蔣元正 義烏監生嘉靖四十年任

王詔 壽光監生嘉靖四十二年任

吳鳴鳳 會稽吏員隆慶元年任

徐允升 江寧監生隆慶三年任

侯藩 宣城貢生隆慶六年任

包朝時 合浦選貢萬曆三年任

僕倅 廣德州人萬曆八年任

栗濟民 會同選貢萬曆十年任

伍可受 萬曆十二年以給事中謫任

王會濟 惠安吏員萬曆十三年任

倪允卿 侯官吏員萬曆十八年任

張鎬 封邱選貢萬曆十九年任

王之京 遂昌吏員萬曆二十一年任

顧廷禎 長洲監生萬曆二十四年任

胡楫 山陰吏員萬曆二十八年任

趙善士 涇縣監生萬曆三十二年任

錢有成 長洲吏員萬曆三十七年任

朱一儁 大興監生萬曆四十年任

曹仲華 平湖監生萬曆四十三年任

汪向若 蕭山監生萬曆四十六年任

龔應躍

孫拭

石琦 紹興人天啓間任

教諭 員一

歐陽汶 邑人舉儒士洪武六年任

張益謙 邑人舉儒士洪武間任

歐陽彥斌 洪武間任

應文寶 寧海人永樂元年任

許俊 仁和人永樂十年任

董匡 永樂十四年任有傳

程惟善 開化舉人宣德元年任設科條以稽課程遊其門者甚多

李璟 宣德三年任有傳

文中 昌化舉人正統元年任純謹端嚴多所成就

喻蘭 建德監生正統五年任長於經學因材善誘

馮戰 安溪舉人景泰二年任醇謹儒雅善誘人材

陳大梁 溫江人景泰四年任

喻淳 高陽舉人成化五年任有傳

張德暄 侯官舉人成化十二年任

李仁 澄邁舉人成化十九年任

楊璘 應天人宏治五年任

朱憲 山陰舉人宏治九年任有傳

孫昱 宏治十八年任

陳謨 漳州舉人正德五年由知縣改任

沈南金 錢塘舉人正德六年任後登進士官至知府

李良 上高人正德間由薦辟任承上高志補

林同 晉江舉人正德十四年任有傳

馮時熙 慈谿歲貢嘉靖六年任

廖賢 徐聞歲貢嘉靖十三年任

葉 濂 崇安舉人嘉靖十七年任

梅 儼 麻城人嘉靖間任

顧日新 莆田舉人嘉靖間任

鄭 曉 漢陽人嘉靖間任

彭 芹 東莞舉人隆慶二年任

翁 旦 福寧貢生隆慶間任

劉 銓 廬陵貢生萬曆二年任

洪壽宜 普定選貢萬曆十三年任

濮之賓 桂林舉人萬曆十七年任

左三德 星子選貢萬曆二十三年任

陳 高 海陽監生嘉靖二十年任

張 琪 石首人嘉靖間任

江世卿 婺源舉人嘉靖間任

潘 然 宿遷貢生嘉靖四十年任

王廷稷 晉江舉人隆慶五年任

任 高 溫江貢生隆慶六年任

董應彥 德興貢生萬曆十一年任

吳宗漢 臨川舉人萬曆十四年任

陳 儒 新建舉人萬曆二十一年任

屠顯道 華亭選貢萬曆二十五年任

張汝弓 開化貢生萬曆二十九年任

木之桂 石屏貢生萬曆三十五年任

吳天祥 貴溪貢生萬曆三十九年任

趙光宋 四會貢生萬曆四十七年任

黃文炳 新昌人

錢天壽 清江人天啓間任

陳以泰 寧州人

徐學禮 蕪湖選貢崇禎五年任

龔 諍 清江人崇禎間任

朱 衣 吉安貢生崇禎間任

趙應貴 餘姚舉人萬曆三十三年任

張問明 寧都舉人萬曆三十七年任

袁懋綱 豐城舉人萬曆四十二年任

王德新 西安人

鄒廷焜 奉新人

簡 銘 新喻恩貢天啓間任

何堯日 霍邱人

李一墨 泗州歲貢崇禎六年任

黎之禎 南昌舉人崇禎間任

龔仲藻 南昌貢生崇禎間任



張豹 雩都府貢采 贛州志補

訓導二員

張益謙 邑人舉儒士 洪武八年任

張用中 邑人舉人才 洪武十三年任

朱如真 邑人舉儒士 洪武十八年任

歐陽輝 邑人舉儒士 洪武二十四年任

尹源 邑人舉儒士 洪武二十五年任

曾宜勉 廬陵人 儒士 洪武三十年任 有傳

李忠 豐城人 永樂九年任

潘文煥 新喻人 永樂十九年任

黎寶 新喻人 洪熙元年任

張暉 公安人 宣德元年任 有傳

沈繼 吳縣人 宣德三年任

鄧榮 沙縣人 正統元年任

夏壽生 江山人 正統六年任 學行兼長 造士不倦

劉融 涪州人 景泰四年任 有傳

何漢 道州人 景泰二年任

薛致中 慶遠衛舉人 景泰六年任 有傳

周禧 蒲圻人 天順二年任

馬驥 蒲圻人 成化元年任

程霄 富順人 成化二年任

葉福 松陽人 成化九年任

桂梧 慈谿人 成化十二年任

劉顯 孝感人 成化十九年任

秦傑 宣化人 舉人 宏治三年任

韓聰 黃梅舉人 宏治四年任

李倫 金壇人 宏治五年任

胡賓 合肥人 宏治十二年任

羅聰 桐廬人 宏治十八年任 有傳

吳蒙 崑山人 貢正 德五年任 有傳

龐茂 應天人 貢正 德六年任

周倬 巴陵人 貢正 德正德間任

蔡澤 紹武人 貢正 德十年任

王爵 黃岡人 貢正 德十二年任

蕭迪 涇縣人 貢正 德十五年任

趙仲教 黃巖人 貢正 嘉靖二年任

袁郵 東莞人 監生 嘉靖六年任

雷 倓 建安歲貢嘉靖十年任

夏 雲 宜興歲貢嘉靖十二年任

許 興 長泰選貢嘉靖十三年任

卓 士元 茂名選貢嘉靖十五年任

吳邦柱 上林選貢嘉靖間任

陶 冕 浪穹監生嘉靖二十二年任

王文信 侯官監生嘉靖間任

潘 時 金壇人嘉靖間任

柯 梁 貴池人嘉靖間任

徐 珊 邵陽人嘉靖間任

張雲霓 青田人嘉靖間任

梁 卓 新寧人嘉靖間任

施 宇 富陽人嘉靖間任

王繼相 慈利貢生嘉靖四十四年任

譚 埜 宜章貢生嘉靖四十四年任

劉善思 茶陵貢生隆慶三年任

沈 杏 蕭山貢生隆慶六年任

甘 棠 茶陵貢生萬曆元年任

蔣世俊 融縣貢生萬曆二年任

涂 杞 南昌恩貢萬曆四年任

侯信民 安仁貢生萬曆五年任

王 鑰 湘陰選貢萬曆九年任

劉 浙 廬陵貢生萬曆十一年任

陳應志 曲靖選貢萬曆十三年任

李 盈 星子貢生萬曆十四年任

陳之垣 安定貢生萬曆十八年任

蔣鳴琚 江陰貢生萬曆二十一年任

彭國賓 德化貢生萬曆二十三年任

劉 敷 贛縣貢生萬曆二十五年任

李 寵 石城貢生萬曆二十七年任

汪楚鸞 善化貢生萬曆三十三年任

蘇應瑞 灌陽貢生萬曆三十四年任

鄒學飛 永豐恩貢萬曆三十六年任

陳所蘊 長沙貢生萬曆三十八年任

方國賢 巴陵貢生萬曆三十九年任

曾學夔 江夏貢生萬曆四十二年任

李世卿 藍山貢生萬曆四十四年任

章世德 新建貢生萬曆四十七年任

蔣嘉節 錢塘人

郭雅似 萬安人

羅萬祚 思南府人

王嘉士 定番州人

薛春慶 安遠人

蔡植 萬年人

吳煥 壽昌人

袁興祖 興寧人

余昌祚 崇禎十六年任有傳

黃中燿 弋陽貢生崇禎間任 采廣信弋陽志補

主簿 正九品一員

黃自中 洪武三年任

韓及古 洪武十年修 郡城提調官

舒永懷 洪武間任采會 宜勉浮橋記補

舒慶 洪武三十年任

邵俊 永樂二年任

楊玘 永樂九年任

璩中道 永樂十年任

張記 永樂二十年任

楊義 正統六年任

秦紀 正統十年任

范恭 景泰四年任

曹遜 天順二年任

李煉 懷遠人成化二年任

譚弼 公安人成化五年任

王琇 成化十年任采羅倫 記補舊志誤作丞

徐瓚 成化二十年任

黃以正 原編據謝詢橋記補 今按之蓋即黃自中

姚經 宏治六年任

熊文盛 宏治十年任

張賜 宏治十年任

韓忠 宏治十年任

冀杲 正德三年任

戴福 正德八年任

馮志道 正德九年任

蘇紹宗 雲南臨安衛人 正德十五年任

徐英 沅江監生嘉靖六年任

馮應軫 鄞縣人嘉靖八年任

李言 通州監生嘉靖十四年任

林忠 漳浦監生嘉靖二十年任

周繼紳 縉雲監生嘉靖二十六年任

方端 來賓監生嘉靖三十年任

厲安 六合監生嘉靖間任

楊士元 宿州監生萬曆元年任

李有敬 東陽監生萬曆九年任

謝廷校 高郵監生萬曆十六年任

陳九齡 宣城監生萬曆二十一年任

王應臺 黃巖吏員萬曆三十二年任

門昇 藩陽衛吏員萬曆四十二年任

高可上 六安州人

呂學仕 瀘州人

童和 鄞縣吏員嘉靖三十六年任

虞奎 高郵人知印嘉靖四十二年任

朱邦雋 崑山監生萬曆五年任

布偉 陽穀監生萬曆十三年任

張邦憲 嘉興監生萬曆十八年任

韓孫履 慈谿監生萬曆二十七年任

朱南鈞 長沙吏員萬曆三十七年任

葉彌高 福清監生萬曆四十四年任

陳應桂 上虞人

楊茂忠 金壇人

黃守幹 寧國人天啓二年任

葉恒春 崇禎元年任

曹學詩

典史 未入流一員

韓昱 洪武三年任

胡斌 正統十年任

婁璟 當塗人成化三年任

趙廣銘 龍陽人成化十五年任

董文 宏治九年任

陳璉 正德五年任

陳良 永樂六年任

朱選 景泰四年任

蔡倫 公安人成化六年任

葉盛 成化十七年任

蔣瞳 正德三年任

羅權 正德六年任

蹤一龍 山陽人天啓間任

林憲孟 和州籍莆田人崇禎二年任

唐琦 正德九年任

陶誼 會稽吏員嘉靖五年任

吳崇禮 四會人嘉靖十五年任

喻資 崑山吏員嘉靖間任

黃亨 莆田吏員嘉靖二十六年任

莫賁 靈川吏員嘉靖三十六年任

朱翊 蘭谿吏員嘉靖四十一年任

陸龍 餘姚吏員隆慶二年任

林宏宇 福清吏員萬曆元年任

魏滔 福清人萬曆九年任

何應文 孝感吏員正德十五年任

盧鼎 廬江吏員嘉靖十年任

張偉 定海吏員嘉靖十七年任

解一龍 黃巖吏員嘉靖二十年任

倫敬 新會吏員嘉靖三十五年任

張大瑚 黃岡吏員嘉靖四十年任

夏禊 福清吏員嘉靖四十二年任

周文易 臨湘吏員隆慶五年任

關襄 臨海吏員萬曆四年任

魏泉 長泰吏員萬曆十一年任

詹遷 龍溪吏員萬曆十五年任

胡儉 宜賓吏員萬曆十九年任

邱復觀 惠安吏員萬曆二十二年任

梁炯 四會吏員萬曆二十五年任

吳大義 揭陽吏員萬曆二十九年任

王國興 京山吏員萬曆三十二年任

黃仕貴 南海吏員萬曆三十四年任

龍朝望 臨武吏員萬曆三十六年任

仇應佳 奉化人萬曆三十八年任

汪一耀 臨安人萬曆四十一年任

楊名棟 武進人萬曆四十五年任

汪一誠 繁昌人萬曆四十七年任

鄭喬 萬曆間任

楊朝錦 天啓二年任

萬一孝 天啓五年任

耿文奎 丹徒人崇禎元年任

陸朝貴 瓊山吏員崇禎五年任

章應聘 富陽人崇禎間任

季國祥 浙江人崇禎十一年任

管學禮 崇禎十四年任

龍廷鳳 采文昌祠記補  
舊志誤入巡檢

巡檢 鐵山界高村  
鑛各一員

陳 肅 德平  
吏員

歐 文 桂陽州  
吏員

朱允德 桂陽縣  
吏員

王鳳祥 舒城  
吏員

沈 績 會稽  
吏員

傅 秀 玉田  
吏員

王仕倫 眉州  
吏員

張 銳 蘇州  
吏員

夏景翰 崑山  
吏員

嚴 瑗

余 傑

周鳳岐

周 卿 長州  
吏員

王必經

董大道 浙江  
吏員

平應暘

童敦信 甌寧  
吏員

史秉德 貴池  
吏員

宋廷怡 南安  
吏員

王士振 建德  
吏員

林廷暉 莆田  
吏員

汪應貫 縉雲  
吏員

姚夢熊 慶元人以經歷  
署任修廣濟庵

稅大使 一員舊  
載一人

鄭子謙

國朝

知縣 正七品  
一員

杜章卿 順治二年署任采  
南昌府志補有傳

楊 澤 舉人順治  
三年任

王士敬 河南貢生順  
治六年任

張一躍 樂亭拔貢順  
治十年任

梁大年 撫順貢生順治十二年任

沈 禧 烏程恩貢順治十六年任

范廷鳳 鄆縣進士康熙元年任

李色新 新淦丞署任康熙元年捐金葺學

高鵬起 曲沃進士康熙九年任有傳

吳自肅 海豐進士康熙十二年任有傳

常維禎 廣寧人康熙十年任有傳

吳虞廷 麻城舉人康熙二十二年任

劉體元 山東進士康熙二十五年任

許 磐 松江例監康熙二十九年任

曹鑑章 浙江例監康熙三十年任

劉大成 淮安例監康熙三十三年任

何錫命 廣寧例監康熙三十六年任有傳

孫國柱 漢軍例監康熙四十四年任

鄭國棟 漢軍例監康熙四十七年任

龐 驥 陸川舉人康熙四十九年任有大字去思碑豎

文昌閣下 譚獻畧 奉節副貢雍正三年以分宜縣署任修文廟

施昭庭 嘉善進士康熙五十八年任有傳

程元度 長洲例監雍正三年任

許松佶 閩縣人保舉雍正六年任有傳

汪元采 京山例監雍正八年任有傳

嚴在昌 仁和進士雍正十二年任有傳

郭昌泰 榆次優貢乾隆十年任

江元璐 上元舉人乾隆十三年任有傳

殷 欽 長壽舉人乾隆十五年任

游挺秀 廣濟舉人乾隆十六年任

朱 崧 寧海進士乾隆十七年任

汪丙謙 乾隆十八年以縣丞署任詳修學宮

張立中 銅仁舉人乾隆二十一年任有傳

萬友正 雲南人乾隆二十六年任

朱 琦

張 救 山東人

翟廷法 仁和監生乾隆二十七年任

楊長佐 江津進士乾隆三十七年任有傳

張凝緒 海陽舉人乾隆三十九年任

黃三畧 興寧舉人乾隆三十九年任

高 蟠 善化舉人乾隆四十四年任有傳

潘 衡 吳縣監生乾隆四十四年任

嚴儀 歸安舉人乾隆四十六年任

謝袞 單縣優貢乾隆四十六年任

孫鉞 嘉興舉人乾隆五十年任

朱有成 海寧舉人乾隆五十二年任

卞坦綸 儀徵舉人乾隆五十六年任有傳

陳大春 古田進士嘉慶元年任

來珩 蕭山進士嘉慶三年任有傳

張保 江寧吏員加捐嘉慶七年署任以廉明著稱

丁瀛洲 無錫監生嘉慶八年任

周澍 錢塘拔貢嘉慶十一年任先後署任聽斷

勤敏 捐助龍河書院膏火

周吉士 象州舉人嘉慶十一年署任詳定書院山長專

聘本邑先達

陸模蓀 鎮洋進士嘉慶十二年以知州署任

吳栲 歙縣拔貢嘉慶十三年任

梅大鶴 大名拔貢嘉慶十七年任

牛廷炤 安邑舉人嘉慶二十五年署任愛民養士捐廉課獎龍河書院

衛鵠鳴 大名進士道光元年任養士愛民以詩書飾吏治輯邑志

楊獻弼 巢縣舉人道光三年署任庭無畱牘修東門城樓輯邑志

武穆淳 偃師舉人道光五年署任忠信愛民明敏折獄增置龍河書院膏火田購十三經備諸生肄習

陳文衡 龍巖州進士道光六年任 林懋勳 南充拔貢道光七年署任

湯慶曾 仁和舉人道光八年任 楊際華 閩縣舉人道光九年署任詳開倉穀勸捐平糶

重修先農壇祠 龔士範 西安舉人道光十一年任重士倡捐運米賑荒

韓彥章 仁和監生道光十九年任 張文誥 寧河舉人道光二十一年署任捐廉百金助龍

河膏 火 崔登鼇 壽張舉人道光二十二年任持獻平允得士心

劉恒泰 沂水拔貢道光二十六年任歲饑勸富戶運米平糶境內晏然



教諭 乾隆元年定為 正八品一員

黃恢宏 臨川舉人 順治十年任 康熙二年奉裁 劉遠 永新貢生 康熙十九年任

姚國禎 浮梁舉人 康熙二十二年任 龔運泰 進賢舉人 康熙三十二年任

劉天宿 信豐拔貢 康熙四十年任 陞四川南部知縣 以廉能入為工部屯田主事

朱甦 廣豐拔貢 康熙四十四年任 藍志作 永豐 據廣豐志改

戴奇珍 金谿貢生 采 徐邦協 金谿貢生 采 金谿志補

曾學泗 吉水貢生 康熙六十一年任 姚士傑 南豐舉人 雍正三年任

熊埴 靖安恩貢 雍正四年任 徐能宗 南城舉人 雍正五年任 陞山西臨縣知縣

趙孟琪 南豐拔貢 雍正十一年任 袁繼輅 峽江副貢 雍正十二年任

游時 樂安拔貢 乾隆二年任 淦鳴鳳 建昌拔貢 乾隆三年任

郭昭 龍泉拔貢 乾隆八年任 袁映斗 星子拔貢 乾隆十年任 陞知縣

魯鴻 新城舉人 乾隆二十年任 有傳 趙由義 南豐副貢 乾隆二十九年任

王文明 龍南舉人 乾隆三十七年任 有傳 王磊 金谿舉人 乾隆四十四年任

彭振東 都昌舉人 乾隆四十八年任 歐陽家驥 宜黃副貢 乾隆五十五年任

謝家楨 定南廳拔貢 乾隆五十四年任 周立紳 贛縣拔貢 嘉慶五年任

王劭銓 金谿舉人 嘉慶十四年任 劉縉元 高安廩貢 道光六年任

賀成因 蓮花廳拔貢 道光九年任 陳學崙 新城副貢 道光十九年任

陳煥春 義寧州舉人 道光二十二年任 陳觀燁 金谿生員 捐職 道光二十六年任

劉綬槐 新昌附貢 道光二十九年任

訓導 乾隆元年定為  
從八品一員

杜章卿 新建歲貢順治二  
年署知縣死難

劉致治 寧州  
貢生

吳英 浮梁貢生順  
治十一年任  
盧陵歲貢康  
熙五年任

謝錫蕃 志作新淦人據  
峽江貢生康熙十三年任  
志改

盧瑱 瀘溪貢生康  
熙十七年任

傅愈灝 德安歲貢康熙  
二十五年任

歐陽煦 彭澤歲貢康熙  
三十六年任

笄必光 德興歲貢康熙  
四十一年任

李錫 豐城歲貢康熙  
四十六年任

陳逢盛 崇仁歲貢康熙五十九  
年任舊志作例貢據撫

州志  
改

曾介 貴溪貢生采  
廣信志補

楊令朋 寧都州貢生  
采寧都志補

張元達 貴溪歲貢雍  
正四年任

周溥 興安歲貢雍  
正六年任

鄧天序 新淦歲貢雍  
正十二年任

楊樹聲 新淦歲貢乾  
隆十年任

藍世崧 長寧歲貢乾  
隆十八年任

黃鵬程 峽江歲貢乾隆  
二十四年任

洪世楷 新建歲貢乾  
隆三十年任

趙由傑 南豐舉人乾隆  
三十三年任

姜騰詔 金谿舉人乾  
隆四十年任

李孚 宜黃舉人乾隆  
四十七年任

姚才鑑 寧都州歲貢乾  
隆六十年任

彭朝琇 廬陵舉人嘉  
慶四年任

方暢懷 新建舉人嘉  
慶十九年任

董松 德興舉人嘉慶  
二十二年任

李健翎 東鄉舉人道  
光十年任

盧韻 瀘溪舉人道光  
二十六年任

巡檢 從九品  
一員

周懋遠 餘姚吏員順治六年任

鈕嘉豫 蕭山吏員康熙七年任

張 璵 山東吏員康熙二十二年任

陸宏賢 江南人康熙二十七年任

王公選 臨潼人康熙五十六年任

沈宗文 宛平吏員乾隆四年任

李紹粉 元城吏員乾隆十九年任

張鴻發 湖南安福監生乾隆五十年任

張進朝 甘肅靖遠吏員嘉慶十年任

蔣士行 山陰吏員康熙五年任

劉玉粹 河南吏員康熙二十二年任

劉日佐 山東人康熙二十六年任

黃 燦 長洲人康熙三十一年任

馬昭遠 渭南人康熙六十年任

卞世昌 合肥吏員乾隆十四年任

錢 江 慈谿吏員乾隆二十年任

沈虞琴 仁和監生嘉慶九年任

王應鼎 大興監生嘉慶十七年任

諸允成 大興人議叙道光七年任

吳元理 宛平人道光十七年任

陳孝懿 浙江生員道光十二年任

鄭萬煜 上杭監生道光二十九年任

典史員一

張 順治二年署任 死難失其名

胡一清 紹興人 順治六年任

于昌祿 餘姚吏員 康熙三年任

馬德 紹興人 康熙間任

顧景默 蘇州人 康熙間任

徐鳳誥 錢塘人 雍正五年任

戴國祚 山陰吏員 乾隆元年任

王炯 山陰吏員 乾隆十五年任

許榮 平江監生 乾隆二十六年任

金大鏞 嘉善人 順治二年任

周琢勛 山陰人 順治間任

趙濂初 歷城吏員 康熙十八年任

劉生玉 陝西人 康熙間任

陳復球 高淳人 康熙五十六年任

楊時泰 三原吏員 雍正十三年任

張定國 固安吏員 乾隆六年任

劉文朗 山陰監生 乾隆二十五年任

賈如珍 沁水監生 乾隆二十七年任

汪元佐 元和監生 乾隆三十年任

利天寶 嘉應州監生 乾隆三十六年任

黃濟清 平江從九品 乾隆四十四年任

宓永琪 慈谿監生 乾隆五十二年任

葉積和 山陰監生 乾隆五十九年任

傅宗弼 湘潭吏員 嘉慶二年任

王書政 望江供事 嘉慶五年任

孫聞政 山陰監生 嘉慶十八年任

丁友直 南陵供事 嘉慶二十二年任

茹天培 山陰議叙 道光六年任

程行達 孝感監生 乾隆三十一年任

陳國興 山陰吏員 乾隆四十三年任

李逢吉 山陰監生 乾隆四十六年任

李堯 沁水監生 乾隆五十八年任

王民新 上虞供事 乾隆六十年任

張興誠 曲阜吏員 嘉慶三年任

李學泗 嘉應州監生 嘉慶十一年任

祝澐 大興吏員 嘉慶二十一年任

謝桂芳 大興供事 道光元年任

陸敏樞 靈州附生 道光十二年任

王棟 皋蘭吏員道光二十一年任

武秩明以前無攷

國朝

守備 原係袁臨協標經制把總駐防雍正二年兩江總督查題鎮標銅鼓營守備把總移萬駐防

王 順治二年防縣死難失其名 韓之桂 江夏人侍衛銅鼓營都司雍正六年移駐萬載

楊兆麟 漳浦人雍正八年任 方斌 徐州人雍正十年任

閔仲傑 正藍旗人武舉乾隆四年任 楊國棟 平越人乾隆十年任

外圖庫 鑲白旗人武舉乾隆十二年任 王譽 歸善人乾隆十四年任

沈瑄 寧朔武進士乾隆十八年任

以後奉裁

城守把總

陳啓 采吳自肅康熙十五年詳文補

劉報玉 峽江行伍康熙間隨營防萬采峽江志補有傳

鄧雲程 康熙十年任

劉世同 康熙二十年任

陳忠 康熙二十年任

袁麟 康熙三十年任

金文 康熙四十年任

徐虎 康熙四十年任

施士昌 康熙五十八年任有傳

姚起龍 康熙五十九年任以上據袁臨協營冊補

王明 雍正四年任據雍正八年禮科冊補

陳德瑞 南昌人由銅鼓營移駐雍正六年任

鄧信 新城人雍正七年奉調駐防

李人兆 南昌人雍正十二年任

李遇泰 南昌人乾隆元年任

李棠蔭 武寧人乾隆四年任

明中陽 南昌人乾隆十五年任

張天爵 南昌人乾隆十六年任

許遊 南昌人乾隆二十三年任

李宜柱 武寧人乾隆間任

鄧斌 南昌武舉乾隆間任

李寶達 醴陵武舉乾隆間任

吳從貴 南昌人乾隆六十年任

楊茂 南昌人嘉慶十三年任

龔亮 南昌人嘉慶十五年任

鄒天錫 豐城人嘉慶十七年任

陳名國 臨川人道光二年任

余鼎元 豐城武舉道光六年任辛卯壬辰勸捐賑饑

張朝縉 金谿武生道光十五年任

黎源哨外委把總久奉裁雍正三年奉旨復設係銅鼓營守標移駐萬載

陳忠禾康熙十五年吳自肅詳文補 袁世雄江都人雍正六年委

李松茂武寧人由銅鼓外委把總駐防采南昌志補

羅得洪武寧人乾隆間任 鄭霖南昌人乾隆間任

梅亮武寧人乾隆間任 胡璉武寧人乾隆四十八年任

陳名國臨川人嘉慶十八年任後陞城守把總 黃國標新建人道光二年任

黃定海臨川人道光十一年任 張朝樑臨川人道光十六年任

周洪泰金谿人道光十八年任 揭勝廣昌人道光二十年任

李大成義寧州人道光二十三年任

萬章鼎上著志

按陰醫僧道嵩志畧載今遵撤發章程不續載姑附舊存姓名於左

明訓術楊芳遠龍和龍海龍翽宋一中宋卿辛建清宋允  
恭訓科劉迪政李震李興祖李祥鳳僧會碧霄文隱性聞  
靜居澄心壽崇真溪如標茂柳道會謝草亭易元秀郭心  
隱

國朝訓術揭仲齡訓科韓誠則僧會本善道會孫枝榮按舊  
志又有農官郭鍾萍雍正八年奉

命建壇特設

